



07217

通志卷第十四

宋 右 迪 功



漁 仲 樸

陳紀第十四

武帝 文帝 廢帝 宣帝 後主

高祖武皇帝諱霸先字興國小字法生吳興長城下若里人姓陳氏其本甚微自云漢太邱長實之後也實元孫晉太尉準準生匡匡生達永嘉中南遷為丞相掾太子洗馬出為長城令悅其山水遂家焉嘗謂所親曰此地山川秀麗當有王者興焉二百年後我子孫必鍾斯運達生康復為丞相掾咸和中土斷故為長城人康生

通志

卷四

陳紀十四

一

盱台太守英英生尚書郎公弼公弼生步兵校尉鼎鼎生散騎侍郎高高生懷安令詠詠生安成太守猛猛生太常卿道巨道巨生皇考文讚帝以梁天監二年癸未歲生少俶儻有大志長於謀略意氣雄傑不事生產及長涉獵史籍好讀兵書明緯候孤虛遯甲之術多武藝明達果斷為當時推服身長七尺五寸日角龍顏垂手過膝嘗游義興館於許氏夢天開數丈有四人朱衣捧日而至納之帝口及覺腹內猶熱帝心獨喜初仕鄉為里司后至建鄴為油庫吏徙為新喻侯蕭映傳教勤於其事為映所賞及映為吳興太守甚重帝謂僚佐曰此

人將來遠大必勝於我及映爲廣州帝爲中直兵參軍隨之鎮映令帝招集士馬先是武林侯蕭諮爲交州刺史以嚴刻失和土人李賁連結數州豪傑同時反臺遣高州刺史孫罔新州刺史盧子雄將兵擊賁罔等不時進皆於廣州伏誅子雄弟子略與罔子姪及其主帥杜天合杜僧明共舉兵執南江督護沈顛進寇廣州晝夜苦攻州中震恐帝率精兵救之賊衆大潰天合死僧明降梁武帝深歎異焉授直閭將軍封新枋縣子仍遣圖帝貌而觀之其年冬蕭映卒明年帝送喪還至大庾嶺會有詔以帝爲交州司馬與刺史楊暕南討帝益招勇敢器械精利暕委帝經略時蕭勃爲定州刺史於西江相會勃知軍士憚遠役因詭說留暕暕集諸將問計帝曰交州叛渙罪由宗室節下奉辭伐罪故當死生以之於是鼓行而進軍次交州暕推帝爲前鋒所向摧陷賁竄入屈獠洞中屈獠斬賁傳首建鄴是歲太清元年也賁兄天寶遜入九真與劫帥李紹隆收餘兵殺德州刺史陳文戒進圍愛州帝討平之除振遠將軍西江督護高要太守督七郡諸軍事

二年冬侯景寇逼帝將赴援廣州刺史元景仲陰將圖帝帝知之與成州刺史王懷明等集兵於南海馳檄以

通志

卷五

陳紀十四

二

討景仲景仲縊於閣下帝迎蕭勃鎮廣州時臨賀內史歐陽頎監衡州蘭裕蘭京禮扇誘始興等十郡共攻頎頎請援於勃勃令帝救之悉禽裕等仍監始興郡事帝遣杜僧明胡穎將二千人頓于嶺上并厚結始興豪傑同謀義舉侯安都張偲等率衆來附蕭勃聞之遣鍾休悅說停帝帝泣謂休悅曰君辱臣死誰敢愛命僕行計決矣時蔡路養起兵據南康勃遣腹心譚世遠爲曲江令與路養相結同遏義軍

大寶元年正月帝發始興次大庾嶺大破路養軍進頓南康湘東王繹承制授帝持節明威將軍交州刺史改

通志

卷五

陳紀十四

三

封南野縣伯於是修理崎頭古城徙居之劉惠騫等望見恆有紫氣冒城上遠近驚異故惠騫等深自結於帝尋改封長城縣侯南江州刺史時寧都人劉藹等資高州刺史李遷仕舟艦兵仗將襲南康帝遣杜僧明等據白石禦之

二年僧明禽遷仕送南康斬之承制授帝江州刺史帝發南康瀨石舊有二十四灘灘多巨石行旅以爲難帝之發也水暴起數丈三百里間巨石皆沒進軍頓西昌有龍見水濱高五丈五采鮮曜軍人觀者數萬人帝又嘗獨坐胡牀於閣下忽有神光滿閣廊廡之間竝得相

見趙知禮侍側怪而問帝帝笑不答時承制遣征東將軍王僧辯督衆軍討侯景次益城帝率杜僧明等合三萬兵會焉時西軍乏食帝先計軍糧五十萬石至是分三十萬石以資之仍頓巴邱會侯景廢簡文立豫章嗣王棟帝遣兼長史沈袞奉表於江陵勸進承制授帝平東將軍揚州刺史領會稽太守三年帝帥師發自豫章二月次桑落洲時僧辯已發益城會帝于白茅灣乃登岸結壇刑牲盟約進次大雷軍人杜稜夢雷池君周何神自稱征討大將軍乘朱航陳甲仗稱下征侯景須臾便還云已殺景竟三月帝與諸軍進剋姑熟仍次蔡洲

通志

卷四

陳紀十四

四

侯景登石頭城望官軍之盛不悅曰一把子人何足可打密謂左右曰此軍上有紫氣不易可當乃以舩辯貯石沈塞淮口緣淮作城自石頭迄青溪十餘里中樓雉相接僧辯遣杜崩問計於帝帝以諸將不敢當鋒請先往立柵卽於石頭西橫壘築柵衆軍次連八城直出東北賊恐西州路斷亦於東北果林作五城以遏大路帝曰善用兵者如常山之蛇使救首救尾困而無暇今我師旣衆賊徒甚寡應分賊兵力以弱制彊乃命諸將分處置兵帝與王琳杜龕等悉力乘之景衆大潰僧辯啓命帝鎮京口五月齊遣將辛術圍嚴超達於秦郡帝命

徐度領兵助其固守齊衆起土山穿地道攻之甚急帝乃自率萬人解其圍振旅南歸承制授帝征北大將軍開府儀同三司南徐州刺史進封長城縣公及王僧辯征陸納於湘州承制命帝代鎮揚州

承聖二年湘州平帝旋鎮京口

三年三月進帝位司空及魏平江陵帝與王僧辯等進啓請晉安王以太宰承制十二月晉安王至自尋陽入居朝堂給帝班劍二十人

四年五月齊送貞陽侯淵明還主社稷王僧辯納之淵明卽位改元天成以晉安王爲皇太子初齊之納貞陽

通志

卷五

陳紀十四

五

也帝固爭之以爲不可僧辯不見從帝居常憤歎曰嗣主高祖之孫元皇之子竟有何辜坐致廢黜假立非次此情可知乃密具袍數千領及錦綵金銀以爲賞賜之資九月壬寅帝召徐度侯安都周文育等仍部列將士水陸俱進夜發南徐州討王僧辯甲辰帝至石頭前遣勇士自城北逾入時僧辯方視朝聞外白有兵遽走帝大兵尋至因風縱火僧辯就禽是夜縊之及其子頽於是廢貞陽侯而奉晉安王卽位

紹泰元年壬子詔授帝侍中大都督中外諸軍事車騎將軍揚南徐二州刺史持節司空班劍鼓吹竝如故仍

詔甲仗百人出入殿省霍州刺史杜龕據吳興與義興太守韋載舉兵逆命辛未帝表自東討雷高州刺史侯安都石州刺史杜稜宿衛臺省甲戌軍至義興秦州刺史徐嗣徽據城入齊又要南豫州刺史任約舉兵應龕齊人資其兵食嗣徽乘虛奄至闕下侯安都出戰嗣徽等退據石頭丁丑載及龕從弟北叟來降帝撫而釋之仍以載兄鼎知郡事帝以嗣徽寇逼卷甲還都命周文育進討杜龕十一月己卯齊遣兵五千渡江據姑熟又遣安州刺史翟子崇楚州刺史劉士榮淮州刺史柳達摩領兵萬人於湖墅度米粟三萬石馬千匹入石頭帝乃遣侯安都領水軍夜襲湖墅燒齊船周鐵虎率舟師斷齊運輸帝領鐵騎自西明門襲之齊人大潰嗣徽雷達摩等守城自率親屬腹心往南州采石以迎齊援先是太白自十一月丙戌不見十二月乙卯出于東方丙辰帝盡命衆軍分部甲卒對冶城立航度兵攻其水南二柵柳達摩等度淮置陣帝督兵疾戰縱火燒柵煙塵張天齊人大潰盡收其船艦是日嗣徽約等領齊兵還據石頭帝遣侯安都領水軍襲破之嗣徽等單舸脫走丁巳拔石頭南岸柵移度北岸起柵以絕其汲路又堙塞東門故城中諸井齊所據城中無水水一合買米一

通志

卷四

陳紀十四

六

升一升米留絹五匹或炒米食之達摩謂其衆曰頃在北童謠云石頭擣兩襠擣青復擣黃侯景服青已倒於此今吾徒衣黃豈謠言驗邪庚申達摩遣侯子欽劉士榮等請和帝許之乃於城外盟約其將士恣其南北辛酉帝出石頭南門陳兵送齊人歸北者及至齊人殺之壬戌齊和州長史烏丸遠自南州奔還歷陽江寧令陳嗣黃門侍郎曹朗據姑熟不從帝命侯安都徐度等討平之聚其首爲京觀是月杜龕以城降

二年正月癸未誅龕其弟翁從弟北叟司馬沈孝敦竝賜死三月戊戌齊遣水軍儀同蕭軌庫狄伏連堯難宗

通志

卷四

陳紀十四

七

東方老侍中裴英起東廣州刺史獨孤辟惡洛州刺史李希光并任約徐嗣徽王僧愷等衆十萬出柵口向梁山帳內盪主黃叢逆擊破之燒其前軍船艦齊頓軍保蕪湖五月丙申齊兵至秣陵故城己亥帝率宗室王侯及朝臣於大司馬門外白虎闕下刑牲告天以齊人背約發言慷慨涕泗交流士卒觀者益奮辛丑齊軍於秣陵故城跨淮立橋柵引度兵馬癸卯自方山進及兒塘游騎至臺都下震駭帝潛以精卒三千配沈泰度江襲齊行臺趙彥深於瓜步獲其舟粟六月甲辰齊兵潛至鍾山龍尾丁未進至莫府山帝遣錢明領水軍出江乘

要擊齊人糧道盡獲之齊軍大餒殺馬驢而食之壬子齊軍至元武湖西北莫府山南將據北郊壇衆軍自覆舟東移頓郊壇北與齊人相對其夜大雨震電暴風拔木平地水丈餘齊軍晝夜坐立泥中縣鬲以爨足指皆爛而臺中及潮溝北水退路燥官軍每得番易甲寅少霽是時食盡調市人饋軍皆是麥屑爲飯以苧葉裹而分給閒以麥餅兵士皆困會文帝遣送米三千石鴨千頭帝卽炊米煮鴨誓申一戰士及防身計糧數鬻人人裹飯混以鴨肉帝命衆軍蓐食攻之齊軍大潰執嗣徽及其弟嗣宗斬之以徇虜蕭軌東方老王敬寶李希光

通志

卷四

陳紀十四

八

裴英起王僧智等將帥四十六人其軍士得竄至江者縛筏以濟中江而溺流屍至京口者彌岸惟任約王僧愔獲免先是童謠云虜萬夫入五湖城南酒家使虜奴自晉宋以後經綰在魏境江淮以北南人皆謂爲虜是時以賞俘質酒者一人裁得一醉丁巳衆軍出南州燒賊舟已未斬劉歸義徐嗣產傅野豬于建康市是日解嚴庚申誅蕭軌東方老王敬寶李希光裴英起等

太平元年九月壬寅帝進位丞相錄尙書事鎮衛大將軍揚州收進封義興郡公庚申追贈皇考侍中光祿大夫封義興郡公諡曰恭十月甲戌梁帝敕丞相自今問

訊可施別榻以近晨坐

二年正月壬寅詔加帝班劍十人并前爲三十丁未詔贈皇兄道談南兗州刺史長城縣公諡曰昭烈皇弟休光侍中南徐州刺史武康縣侯諡曰忠壯甲寅遣兼侍中謁者僕射陸繕策拜長城縣夫人章氏爲義興國夫人丁卯詔贈皇祖侍中太常卿諡曰孝追封皇祖妣許氏吳郡嘉興縣君諡曰敬皇祖妣張氏義興國太夫人諡曰宣二月庚午蕭勃舉兵自廣州度嶺頓南康遣其將陽歐頡傅泰及其子孜爲前軍至豫章分屯要險南

通志

卷四

陳紀十四

九

討平之八月甲午帝進位太尉加黃鉞劍履上殿入朝不趨贊拜不名丙申加前後部羽葆鼓吹是時湘州刺史王琳擁兵不應命遣周文育侯安都率衆討之九月辛丑梁帝進帝位相國總百揆以南豫州之陳畱南丹揚宣城揚州之吳興東陽新安新寧南徐州之義興江州之鄱陽臨川十郡封帝爲陳公備九錫之禮加璽紱遠游冠綠綬綬位在諸侯王上陳國置丞相以下一遵舊式十月戊辰梁帝又進帝爵爲王以揚州之會稽臨海永嘉建安南徐州之晉陵信安江州之尋陽豫章安成廬陵并前爲二十郡益封陳國其相國揚州收鎮衛

大將軍竝如故又命陳王冕十有二旒建天子旌旗出警入蹕乘金根車駕六馬備五時副車置旄頭雲罕樂舞八佾設鍾虡宮縣王妃王子王女爵命之號陳臺百官一依舊典辛未梁帝策書禪位于陳遣兼太保尙書左僕射王通兼太尉司徒左長史王瑒奉皇帝璽紱受終之禮一依唐虞故事是日梁帝遜于別宮帝謙讓再三羣臣固請乃許之

永定元年冬十月乙亥皇帝卽位于南郊升壇柴燎告類上帝先是氛霧雨雪晝夜晦冥至是日景氣清晏禮畢輿駕還宮臨太極前殿大赦改元賜百姓爵二級文

通志

卷四

陳紀十四

十

武位三等鰥寡孤獨不能自存者人穀五斛逋租宿責皆勿復收有犯鄉論清議贓汙淫盜者皆洗除先注與之更始其長徒赦繫特皆原之亡官失爵禁錮奪勞一依舊典又詔以江陰郡奉梁主爲江陰王行梁正朔車旗服色一依前準梁皇太后爲江陰國太妃皇后爲江陰國妃又詔百司各依位攝職丙子幸鍾山祭蔣帝廟戊寅幸華林園覽辭訟臨赦囚徒已卯分遣大使宣勞四方庚辰詔出佛牙於杜姥宅集四部設無遮大會辛巳追尊皇考曰景皇帝廟號太祖皇妣董太夫人曰安皇后前夫人錢氏爲昭皇后世子克爲孝懷太子立夫

人章氏爲皇后癸未尊景帝陵曰瑞陵昭皇后陵曰嘉陵依梁初園陵故事立刪定郎刊定律令戊子遷景皇帝神主祔于太廟是月西討都督周文育侯安都於郢州敗績沒于王琳十一月丙申封皇兄子長城縣侯衛爲臨川郡王瑱襲封始興郡王皇弟子曇朗襲封南康郡王庚申都下火十二月庚辰皇后謁太廟是歲周閔帝元年及九月冢宰宇文護廢閔帝而奉明帝又爲明帝元年

二年春正月乙未以車騎將軍開府儀同三司侯瑱爲司空辛丑祀南郊大赦甲寅遣中書舍人韋鼎策吳興

通志

卷七

陳紀十四

七

楚王神爲帝戊午祀明堂二月壬申南豫州刺史沈泰奔齊辛卯詔司空侯瑱總督水陸衆軍以禦齊三月王琳立梁永嘉王蕭莊以奉梁後卽位于郢州夏四月甲子祀太廟乙丑江陰王徂陳志也追諡梁敬帝詔太宰弔祭司空監護喪事以梁武林侯蕭諮子季卿嗣爲江陰王戊辰重雲殿東鴟尾有紫煙屬天五月乙未都下地震壬寅立梁邵陵攜王廟室祭以太牢辛酉帝幸大莊嚴寺捨身壬戌羣臣表請還宮六月己巳詔司空侯瑱領軍將軍徐度討王琳初侯景之平也太極殿被焚承聖中議欲營之獨闕一柱秋七月有樟木大十八圍

長四丈五尺流泊陶家後渚監軍鄒子度以聞詔中書令沈衆兼起部尙書措太極殿八月周文育侯安都等於王琳所逃歸自劾廷尉卽日引見宥之竝復本官丁亥加江州刺史周迪平南將軍開府儀同三司冬十月庚午遣鎮南將軍周文育都督衆軍出豫章討余孝劼乙亥幸莊嚴寺發金光明經題丁酉加高州刺史黃法氍平南將軍開府儀同三司十二月甲子幸大莊嚴寺設無礙大會捨乘輿法物羣臣備法駕奉迎卽日還宮丙戌加北江州刺史熊曇朗平西將軍開府儀同三司三年春正月丁酉鎮南將軍廣州刺史歐陽頎卽本號

通志

卷五

陳紀十四

三

開府儀同三司是夜大雪及旦太極殿前有龍跡見甲子廣州言仙人見于羅浮山寺小石樓二月辛酉加平西將軍桂州刺史淳于量鎮西大將軍開府儀同三司夏閏四月甲午詔依前代置西省學士兼取技術士是時久不雨丙午幸鍾山祭蔣帝廟是日降雨迄于月晦五月丙辰朔日有食之有司奏舊儀帝御前殿服朱紗袍通天冠詔曰此乃前代承用意有未同合朔仰助太陽宜備袞冕之服自今永可爲準丙子扶南國遣使朝貢乙酉北江州刺史熊曇朗殺都督周文育舉兵反王琳遣其將常衆愛曹慶率兵援余孝劼六月戊子儀同

侯安都敗衆愛等於左里獲琳從弟襲主帥羊疎等四十餘人衆愛遯走庚寅廬山人斬之傳首建鄴甲午衆軍凱歸丁酉帝不豫遣兼太宰尙書右僕射王通以疾告太廟兼太宰中書令謝哲告太社南北郊辛丑帝小瘳故司空周文育之柩至自建昌壬寅帝素服哭于朝堂哀甚癸卯上臨訊獄訟是夜熒惑在天尊上疾甚丙午帝崩于璿璣殿時年五十七遺詔追臨川王椿入繼大業甲寅殯于太極殿西階八月甲午羣臣上諡曰武皇帝廟號高祖丙申葬萬安陵帝雄武多英略性甚仁愛及居阿衡恆崇寬簡雅尙儉素常膳不過數品私享曲宴皆瓦器罍盤肴核庶羞裁令充足不爲虛費初平侯景及立敬帝子女玉帛皆班將士其充闈房者衣不重采飾無金翠聲樂不列於前踐阼之後彌厲恭儉故能隆功茂德光于江左云

武帝永定三年

世祖文皇帝諱蒨字子華始興昭烈王之長子也少沈敏有識量美容儀畱意經史武帝甚愛之常稱吾家英雄梁太清初帝夢兩日鬪一大一小大者光滅墜地色正黃其大如斗帝三分取一懷之侯景之亂避難臨安縣郭文學舊宅及武帝舉兵南下景遣吳興太守信都

通志

卷四

陳紀十四

三

遵收帝及衡陽獻王出都帝乃密袖小刀候見景欲圖之及至以付郎中王翻幽守故其事不遂武帝圍石頭景欲加害者數矣會景敗乃得出起家吳興太守武帝之討王僧辯也先召帝與謀時僧辯壻杜龕據吳興兵衆甚盛武帝密令帝還長城立柵備之龕遣將杜泰乘虛掩至將士相視失色帝言笑自若部分益明於是衆心乃定及武帝遣周文育討龕帝遣將軍劉騰蔣元舉攻下龕拜會稽太守武帝受禪立爲臨川王夢梁武帝以寶刀授已周文育侯安都之敗於沌口武帝詔帝入總軍政尋命率兵城南皖永定三年六月丙午武帝崩

通志

卷四

陳紀十四

四

皇后稱遺詔徵帝入纂皇統甲寅至自南皖入居中書省皇后令帝嗣膺寶籙帝辭讓至于再三公卿固請其日卽皇帝位於太極前殿大赦詔州郡悉停奔赴秋七月丙辰尊皇后爲皇太后辛酉以司空侯瑱爲太尉以南豫州刺史侯安都爲司空以南徐州刺史徐度爲侍中中撫軍將軍開府儀同三司乙丑重雲殿災八月庚戌立皇子伯茂爲始興王奉昭烈王後徙封如興嗣王瑱爲安成王九月辛酉立皇子伯宗爲皇太子王公以下賜帛各有差乙亥立妃沈氏爲皇后冬十月甲子齊文宣帝徂十一月乙卯王琳寇大雷詔太尉侯瑱司空

侯安都儀同徐度禦之是歲周明帝改天王稱皇帝復
建年號曰武成元年

天嘉元年春正月癸丑大赦改元詔賜鰥寡孤獨不能
自存者人粟五斛孝悌力田殊行異等加爵一級甲寅
分遣使者宣勞四方辛酉祀南郊詔賜民爵一級二月
丙申太尉侯瑱敗王琳于梁山敗齊兵于博望禽齊將
劉伯球王琳及其主蕭莊奔齊庚子分遣使者齎璽書
宣勞四方乙巳遣太尉侯瑱鎮益城庚戌立武帝第六
子昌爲衡陽王三月丙辰蕭莊所署郢州刺史孫瑒舉
州內附丁巳江州刺史周迪平南中斬賊帥熊曇朗傳

通志

卷四

陳紀十四

五

首建鄴戊午齊軍棄魯山城走詔南豫州刺史程靈洗
守之丙子衡陽王昌沈于江夏四月丁亥立皇子伯信
爲衡陽王奉獻王後辛丑周明帝崩六月辛巳改諡皇
祖妣景安皇后曰景文皇后壬辰詔改葬梁元帝於江
寧舊塋車旗禮章悉同梁典仍依魏葬漢獻帝故事甲
午追策故始興昭烈王妃曰孝妃辛丑國哀周忌上臨
于太極前殿百僚陪哭赦建鄴殊死以下秋七月丙辰
立皇子伯山爲鄱陽王八月壬午齊孝昭帝廢其主殷
而自立戊子詔非兵器及國家所須金銀珠玉衣服雜
玩悉皆禁斷丁酉幸正陽堂閱武九月癸丑彗星見乙

卯周將獨孤盛領水軍趣巴湘與賀若敦水陸俱進太尉侯瑱自尋陽禦之冬十月癸巳瑱襲破獨孤盛於楊葉洲盛登岸築城自保丁酉詔司空侯安都率衆會侯瑱南拒周軍十二月己亥周巴陵城主尉遲憲降庚子獨孤盛潛遁走

二年春正月庚戌大赦辛未周湘州城主殷亮降湘州平二月庚寅曲赦湘州諸郡三月乙卯太尉湘州刺史侯瑱薨夏六月己亥齊人通好秋七月丙午周將賀若敦還歸武陵天門南平義陽河東宜都郡悉平九月甲寅詔以故太尉侯瑱故司空周文育故開府儀同三司

通志

卷五

陳紀十四

六

杜僧明故中護軍胡穎故領軍陳擬配食武帝廟庭冬十月癸丑霍州西山蠻率部內屬乙卯高麗國遣使朝貢十一月甲辰齊孝昭帝徂十二月甲申立始興國廟于都下用王者禮以國用不足立煮海鹽傳及榷酤科先是縉州刺史雷異應王琳丙戌詔司空侯安都討之是歲周武帝保定元年

三年春正月庚戌設帷宮於南郊幣告胡公以配天辛亥祀南郊詔賜民爵一級孝悌力田加一等二月梁宣帝徂閏月己酉以百濟王餘明爲撫東大將軍高麗王高陽爲寧東將軍江州刺史周迪舉兵應雷異甲子改

鑄五銖錢三月丙子安成王瑱至自周丁丑以安右將軍吳明徹爲安南將軍江州刺史督衆軍南討甲申大赦庚寅司空侯安都被畱異於桃枝嶺異奔晉安東陽郡平夏四月癸卯曲赦東陽郡乙巳齊人來聘秋七月己丑皇太子納妃王氏在位文武賜帛各有差孝悌力田爲父後者賜爵二級九月戊辰朔日有食之以侍中到仲舉爲尙書右僕射丁酉周迪請降

四年春正月丙子于阗國遣使朝貢甲申周迪走投閩州刺史陳寶應納之夏四月辛丑設無礙大會捨身於太極前殿乙卯加驃騎將軍揚州刺史安成王瑱開

通志

卷五

陳紀十四

志

府儀同三司六月癸巳司空侯安都賜死秋九月壬戌開府儀同三司廣州刺史歐陽頠薨癸亥曲赦都下辛未周迪復寇臨川詔護軍將軍章昭達討平之冬十月丙申大赦詔昭達進軍建安討陳寶應

五年春三月壬午詔以護軍將軍周鐵虎配食武帝廟庭夏五月周齊竝遣使來聘秋七月丁丑曲赦都下九月城西城冬十一月己丑章昭達禽陳寶應畱異送建鄴晉安郡平甲辰以護軍將軍章昭達爲鎮軍將軍開府儀同三司十二月甲子曲赦建安晉安二郡討陳寶應將士死王事者竝給棺槨送還本鄉并復其家癸未

齊人來聘

六年春正月甲午皇太子加元服王公以下賜帛各有
差孝悌力田爲父後者賜爵一級鰥寡孤獨不能自存
者穀人五斛夏四月甲寅以開府儀同三司揚州刺史
安成王頊爲司空五月齊武成帝傳位於太子緯自稱
太上皇帝六月辛酉彗星見于上台北周人來聘秋七
月癸未有大風自西南至廣百餘步激壞靈臺候樓甲
申儀賢堂無故自壞丙戌臨川太守駱牙斬周迪傳首
建鄴梟於朱雀航八月己卯立皇子伯固爲新安王伯
恭爲晉安王伯仁爲廬陵王伯義爲江夏王九月新作
通志

卷四

陳紀十四

六

大航冬十月辛亥齊人來聘十二月乙卯立皇子伯禮
爲武陵王癸亥曲赦都下

天康元年春二月丙子大赦改元三月己卯以司空安
成王頊爲尙書令夏四月乙卯皇孫至澤生賜在位文
武帛各有差爲父後者賜爵一級癸酉皇帝崩于有覺
殿遺詔皇太子可卽君臨萬國山陵務在儉速大斂竟
羣臣三日一臨公除之制率依舊典六月甲子羣臣上
諡曰文皇帝廟號世祖丙寅葬永寧陵文帝起自布衣
知百姓疾苦國家資用務存儉約妙識眞僞下不容姦
一夜內刺聞取外事分判者輒前後相續每雞人伺漏

傳籤於殿中者令投籤於階石上鎗然有聲云吾雖得
眠亦令驚覺其自彊若此云

文帝天嘉六年天康一年卽位七年

廢帝諱伯宗字奉業小字藥王文帝嫡長子也梁承聖
三年五月庚寅生永定二年二月戊辰拜臨川王世子
三年文帝嗣位八月庚戌立爲皇太子自梁室亂離東
宮焚燼太子居于永福省天康元年四月癸酉文帝崩
是日太子卽皇帝位于太極前殿大赦詔內外文武各
復其職遠方悉停奔赴五月己卯尊皇太后曰太皇太
后皇后曰皇太后庚寅以司空揚州刺史新除尙書令
安成王頊爲司徒錄尙書都督中外諸軍事丁酉以中
軍大將軍開府儀同三司徐度爲司空以鎮東將軍東
揚州刺史始興王伯茂爲征東將軍開府儀同三司以
吏部尙書袁樞爲尙書左僕射以吳興太守沈欽爲右
僕射秋七月丁酉立妃王氏爲皇后冬十月庚申享太
廟十一月乙亥周人來弔十二月甲子高麗國遣使朝
貢是歲周天和元年

光大元年春正月癸酉尙書左僕射袁樞卒乙亥大赦
改元賜孝悌力田爵一級辛卯祀南郊二月辛亥南豫
州刺史余孝頃謀反伏誅三月甲午以尙書右僕射沈

通志

卷四

陳紀十四

五

欽爲侍中尙書僕射夏五月乙未湘州刺史華皎不從
執政丙申以中撫軍大將軍淳于量爲征南大將軍總
舟師討之六月壬寅以中軍大將軍司空徐度爲車騎
將軍總督都下衆軍自步道襲湘州秋七月戊申立皇
子至澤爲皇太子賜天下爲父後者爵一級王公以下
賚帛各有差九月丙辰百濟國遣使朝貢是月周將拓
拔定入郢州與華皎水陸俱進都督淳于量吳明徹等
大破之皎單舸奔江陵禽定送建鄴冬十月辛巳曲赦
湘巴二州爲皎所誣誤者十一月甲子中權將軍開府
儀同三司王冲薨十二月庚寅以儀同三司兼從事中

通志

卷四

陳紀十四

四

郎孔英哲爲奉聖亭侯奉孔子祀

二年春正月己亥司徒安成王瑒進位太傅領司徒加
殊禮以新除征南大將軍淳于量爲中軍大將軍及安
南將軍湘州刺史吳明徹卽本號竝開府儀同三司庚
子詔討華皎軍人死王事者竝給棺槨送還本鄉仍復
其家甲子司空徐度薨夏五月丙辰太傅安成王瑒獻
玉璽一六月丁亥彗星見秋七月戊申新羅國遣使朝
貢壬戌立皇弟伯智爲永陽王伯謀爲桂陽王九月林
邑狼牙修國竝遣使朝貢冬十一月甲寅慈訓太后下
令暴帝過失廢爲臨海王送還藩邸令乘輿迎太傅安

成王入卽位是日帝出居別第太建二年四月乙卯薨時年十九帝性仁弱無君人之器及卽尊位刑政皆歸冢宰故皇太后稱文帝遺志而廢焉

廢帝光大二年

高宗孝宣皇帝諱頊字紹世小字師利始興昭烈王第二子也梁中大通二年七月辛酉生有赤光滿室少寬容多智略及長美容儀身長八尺三寸垂手過膝有勇力善騎射武帝平侯景鎮京口梁元帝徵武帝子姪入侍武帝遣帝赴江陵累官爲中書侍郎時有軍主李總與帝有舊每同游處帝嘗夜被酒張燈而寐總適出尋

通志

卷四

陳紀十四

三

反乃見帝身是大龍便驚走他室魏平江陵遷于長安帝貌若不慧魏將楊忠門客張子煦見而奇之曰此人虎頭當大貴也永定元年遙襲封始興郡王文帝嗣位改封安成王天嘉三年自周還授侍中中書監中衛將軍置佐吏歷位司空尙書令廢帝卽位拜司徒錄尙書都督中外諸軍事光大二年正月進位太傅領司徒加殊禮劍履上殿十一月甲寅慈訓太后黜廢帝爲臨海王以帝入纂皇統是月齊武成帝徂

太建元年春正月甲午皇帝卽位於太極前殿大赦改元文武賜位一階孝悌力田及爲父後者賜爵一級鯁

寡不能自存者人賜穀五斛復太皇太后尊號曰皇太后立妃柳氏爲皇后世子叔寶爲皇太子封皇子江州刺史康樂侯叔陵爲始興王奉昭烈王祀乙未謁太廟丁酉分命大使觀省四方風俗以尙書僕射沈欽爲左僕射度支尙書王勸爲右僕射辛丑祀南郊壬寅封皇子建安侯叔英爲豫章王豐城侯叔堅爲長沙王二月乙亥耕籍田夏五月甲午齊人來聘丁巳以吏部尙書徐陵爲尙書右僕射秋七月辛卯皇太子納妃沈氏王公以下賜帛各有差冬十月新除左衛將軍歐陽紇據廣州反辛未遣開府儀同三司章昭達討之

通志

卷四

陳紀十四

三

二年春二月癸未章昭達禽歐陽紇送都斬于建康市廣州平三月丙申皇太后崩丙午曲赦廣衡二州丁未大赦又詔自討周迪華皎以來兵所有死亡者竝令收斂并給棺槨送還本鄉夏四月乙卯臨海王伯宗薨戊寅皇太后祔葬于萬安陵五月壬午齊人來弔六月戊子新羅國遣使朝貢辛卯大雨雹乙巳分遣大使巡州郡省冤屈冬十一月辛酉高麗國遣使朝貢十二月癸巳雷

三年春正月癸丑以尙書右僕射徐陵爲尙書僕射辛酉祀南郊二月辛巳祀明堂丁酉耕籍田三月丁丑大

赦夏四月壬辰齊人來聘五月辛亥高麗新羅丹丹天竺盤盤等國竝遣使朝貢六月丁亥江陰王蕭季卿以罪免甲辰封東中郎長沙王府諮議參軍蕭彝爲江陰王冬十月乙酉周人來聘十二月壬辰司空章昭達薨四年春正月丙午以尙書僕射徐陵爲左僕射中書監王勳爲右僕射二月乙酉立皇子叔卿爲建安王三月乙丑扶南林邑國竝遣使朝貢夏五月癸卯尙書右僕射王勳卒是月周人誅冢宰宇文護秋八月辛未周人來聘九月庚子朔日有食之辛未大赦丙寅以故太尉徐度儀同三司杜稜程靈洗配食武帝廟庭故司空章昭達配食文帝廟庭冬十一月己亥地震是歲周建德元年

通志

卷五

陳紀十四

三

五年春正月癸酉以吏部尙書沈君理爲尙書右僕射領吏部辛巳祀南郊二月辛丑祀明堂乙卯夜有白氣如虹自北方貫北斗紫宮三月壬午以開府儀同三司吳明徹都督征討諸軍事略地北邊丙戌西衡州獻馬生角己丑皇孫允生内外文武賜帛各有差爲父後者賜爵一級夏六月癸卯周人來聘秋九月癸未尙書右僕射沈君理卒壬辰晦夜明冬十月己亥以特進周弘正爲尙書右僕射乙巳吳明徹剋壽陽城斬王琳傳首

建鄴梟于朱雀航十二月壬辰詔熊曇朗留異陳寶應
周迪鄧緒等及王琳首竝還親屬以弘廣宥乙巳立皇
子叔明爲宜都王叔獻爲河東王是歲諸軍略地所在
剋捷

六年春正月壬戌赦江右淮北諸州甲申周人來聘高
麗國遣使朝貢二月壬辰朔日有食之辛亥耕籍田夏
四月庚子彗星見六月壬辰尙書右僕射周弘正卒冬
十一月乙亥詔北邊行軍之所竝給復十年十二月戊
戌以吏部尙書王瑒爲尙書右僕射

七年春正月辛未祀南郊三月辛未詔豫二竟譙徐合

通志

卷四

陳紀十四

五

霍南司定九州及南豫江郢所部在江北諸郡置雲旗
義士駐大軍及諸鎮備防夏四月丙戌有星孛于大角
庚寅監豫州陳桃根獻青牛詔以還百姓乙未桃根又
上織成羅紋錦被表各二詔於雲龍門外焚之壬子郢
州獻瑞鍾六六月丙戌詔爲北行將士死王事者剋日
舉哀壬辰以尙書右僕射王瑒爲尙書僕射乙酉改作
雲龍神虎門秋八月癸卯周人來聘閏九月壬辰都督
吳明徹大破齊軍於呂梁是月甘露頰降樂游苑丁未
輿駕幸苑采甘露宴羣臣詔於苑龍舟山立甘露亭冬
十月己巳立皇子叔齊爲新蔡王叔文爲晉熙王十二

軍任忠出降擒虎仍引擒虎經朱雀航趣宮城自南掖門入城內文武百司皆退出唯尙書僕射袁憲後閣舍人夏侯公韻侍側憲勸端坐殿上正色以待之後主曰鋒刃之下未易可當吾自有計乃逃於井二人苦諫不從以身蔽井後主與爭久之方得入沈后居處如常太子深年十五閉閣而坐舍人孔伯魚侍焉戎士叩閣而入深安坐勞之曰戎旅在途不至勞也旣而軍人窺井而呼之後主不應欲下石乃聞叫聲以繩引之驚其太重及出乃與張貴妃孔貴人三人同乘而上隋文帝聞之大驚開府鮑宏曰東井上於天文爲秦今帝都所在投井其天意邪先是江東謠多唱王獻之桃葉辭云桃葉復桃葉度江不用楫但度無所苦我自接迎汝及晉王廣軍於六合鎮其山名桃葉果乘陳船而度丙戌晉王廣入據臺城送後主于東宮三月己巳後主與王公百司同發自建鄴之長安隋文帝權分京城人宅以俟內外修整遣使迎勞之陳人謳詠志其亡焉使還奏言自後主以下大小在路五百里纍纍不絕隋文帝嗟歎曰一至於此及至京師列陳之輿服器物於庭引後主於前及前後二太子諸父諸弟衆子之爲王者凡二十人司空司馬消難尙書令江總僕射袁憲驃騎蕭摩

霜殺稻菽九月乙巳立方明壇于婁湖戊申以揚州刺史始興王叔陵兼王官伯臨盟甲寅幸婁湖臨誓衆乙卯分遣大使以盟誓班下四方以上下相警冬十月戊子以尙書左僕射陸繕爲尙書僕射十二月乙亥合州廬江蠻田伯興出寇樅陽刺史魯廣達討平之是歲周宣政元年

十一年春正月丁酉南兗州言龍見二月癸亥耕籍田秋七月辛卯初用大貨六銖錢八月丁卯幸大壯觀閱武冬十月甲戌以尙書僕射陸繕爲尙書左僕射以祠部尙書晉安王伯恭爲右僕射十一月辛卯大赦戊戌

通志

卷十四

陳紀十四

五

周將梁士彥圍壽陽剋之辛亥又剋霍州癸丑以揚州刺史始興王叔陵爲大都督總督水步衆軍十二月乙丑南北兗晉三州及盱台山陽陽平馬頭秦歷陽沛北譙南梁等九郡民竝自拔向建鄴周又剋譙北徐二州自是淮南之地盡歸于周矣己巳詔非軍國所須多所減損歸于儉約是歲周宣帝大象元年

十二年夏四月癸亥尙書左僕射陸繕卒己卯大雪壬午雨五月癸巳以尙書右僕射晉安王伯恭爲尙書僕射己酉周宣帝崩六月壬戌大風吹壞臯門中閭秋八月己未周鄭州總管司馬消難以所統九州八鎮之地

來降詔因以消難爲大都督加司空封隨郡公庚申詔
鎮西將軍樊毅進督沔漢諸軍事遣南豫州刺史任忠
率衆趨歷陽超武將軍陳慧紀爲前軍都督趨南兗州
戊辰以司空司馬消難爲大都督水陸諸軍事庚午通
直散騎常侍淳于陵剋臨江郡癸酉智武將軍魯廣達
剋郭默城甲戌大雨霖丙子淳于陵剋祐州城九月癸
未周臨江太守劉顯光率衆來降是夜天東南有聲如
風水相激三夜乃止丁亥周將王延貴率衆拔歷陽任
忠擊破之禽延貴等己酉周廣陵義軍主曹藻率衆來
降冬十月癸丑大雨震電十二月庚辰南徐州刺史河

通志

卷五

陳紀十四

五

東王叔獻薨

十三年春正月壬午以中權將軍護軍將軍鄱陽王伯
山卽本號開府儀同三司以尙書僕射晉安王伯恭爲
左僕射吏部尙書袁憲爲右僕射二月乙亥耕籍田秋
九月癸未夜大風從西北來發屋拔樹大雨雹冬十月
壬寅丹丹國遣使朝貢十二月辛巳彗星見西南是歲
周靜帝大定元年遜位于隋文帝改元開皇元年

十四年春正月乙酉上弗豫甲寅崩于宣福殿時年五
十三遺詔凡厥終制事從省約金銀之飾不以入壙明
器皆用瓦以日易月及公除之制悉依舊準在位百司

三日一臨四方州鎮五等諸侯各守所職竝停奔赴二月辛卯羣臣上諡曰孝宣皇帝廟號高宗癸巳葬顯寧陵帝之在田本有恢弘之度及居尊位實允天人之屬于時國步初彌創痍未復淮南之地竝入于齊帝志復舊境惟疆弱之形縣絕故深自懲艾恐犯不韙及夫周兵滅齊乘勝略地還至江際帝自此懼矣旣而修飾都城爲扞禦之備獲銘云二百年後當有癡人修破吾城者時莫測所從云

孝宣帝太建十四年

後主諱叔寶字元秀小字黃奴宣帝嫡長子也梁承聖

通志

卷五

陳紀十四

二

二年十一月戊寅生于江陵明年魏平江陵宣帝遷于長安畱後主於穰城天嘉三年歸建鄴立爲安成王世子光大二年累遷侍中太建元年正月甲午立爲皇太子十四年正月甲寅宣帝崩乙卯始興王叔陵構逆伏誅丁巳太子卽皇帝位于太極前殿大赦在位文武及孝悌力田爲父後者竝賜爵一級孤老鰥寡不能自存者賜穀人五斛帛二匹癸亥以侍中丹楊尹長沙王叔堅爲驃騎將軍開府儀同三司揚州刺史乙丑尊皇后爲皇太后丁卯立皇弟叔敦爲始興王奉昭烈王祀巳巳立妃沈氏爲皇后辛未立皇弟叔儼爲尋陽王叔慎

爲岳陽王叔達爲義陽王叔熊爲巴山王叔虞爲武昌
王甲戌設無礙大會於太極前殿三月癸亥詔內外衆
官九品以上各薦一人又詔求忠讜無所隱諱已巳以
新除翊左將軍永陽王伯智爲尙書僕射夏四月丙申
立皇子永康公允爲皇太子賜天下爲父後者爵一級
王公以下賚帛各有差庚子詔鏤刻金銀一切華綵之
屬及布帛短狹輕疏者並傷財廢業尤成蠹患又僧尼
道士挾邪左道不依經律人閒淫祀祇書諸珍怪事詳
爲條制並皆禁絕秋七月辛未大赦是月自建鄴至荆
州江水色赤如血八月癸未天有聲如風水相激乙酉
夜又如之九月丙午設無礙大會於太極前殿捨身及
乘輿御服大赦辛亥夜天東北有聲如蟲飛漸移西北
丙寅以驃騎將軍開府儀同三司揚州刺史長沙王叔
堅爲司空征南將軍江州刺史豫章王叔英卽本號開
府儀同三司

至德元年春正月壬寅大赦改元以江州刺史豫章王
叔英爲驃騎將軍開府儀同三司以司空揚州刺史長
沙王叔堅爲江州刺史征東將軍開府儀同三司癸卯
立皇子深爲始安王秋八月丁卯以驃騎將軍開府儀
同三司長沙王叔堅爲司空九月丁己天東南有聲如

蟲飛冬十月丁酉立皇弟叔平爲湘東王叔放爲臨賀王叔宣爲山陽王叔穆爲西陽王叔儉爲南安王叔澄爲南郡王叔興爲沅陵王叔詔爲樂山王叔純爲新興王十二月丙辰頭和國遣使朝貢司空長沙王叔堅有罪免戊午夜天開自西北至東南其內有青黃雜色隆隆若雷聲

二年春正月丁卯分遣大使巡省風俗癸巳大赦夏五月戊子以吏部尙書江總爲尙書僕射秋七月壬午皇太子加元服在位文武賜帛各有差孝悌力田爲父後者賜爵一級鰥寡癯老不能自存者人穀五斛冬十一

通志

卷四

陳紀十四

字

月丙寅大赦是月盤盤百濟國竝遣使朝貢

三年春正月戊午朔日有食之庚午鎮左將軍長沙王叔堅卽本號開府儀同三司三月辛酉前豐州刺史章大寶舉兵反夏四月庚戌豐州義軍主陳景詳斬大寶傳首建鄴冬十月己丑丹丹國遣使朝貢十一月己未詔修復仲尼廟辛巳幸長干寺大赦十二月癸卯高麗國遣使朝貢是歲梁明帝徂

四年春正月甲寅詔王公以下各薦所知無隔輿阜二月丙申立皇弟叔謨爲巴東王叔顯爲臨江王叔坦爲新會王叔隆爲新寧王夏五月丁巳立皇子莊爲會稽

王秋九月甲午幸元武湖肄艦艦閱武丁未百濟國遣使朝貢冬十月癸亥以尙書僕射江總爲尙書令吏部尙書謝朏爲尙書僕射十一月己卯大赦

禎明元年春正月戊寅大赦改元乙未地震秋九月庚寅梁太傅安平王蕭巖荊州刺史蕭瓛遣其都官尙書沈君公詣荊州刺史陳紀請降辛卯巖等帥其文武官男女濟江甲午大赦冬十二月丙子以蕭巖爲平東將軍開府儀同三司東揚州刺史丁亥以驃騎大將軍開府儀同三司豫章王叔英爲兼司徒十二月丙辰以前鎮衛大將軍開府儀同三司東揚州刺史鄱陽王伯山爲鎮衛大將軍開府儀同三司

通志

卷四

陳紀十四

三

二年春正月辛巳立皇子恠爲東陽王恬爲錢唐王夏四月戊申有羣鼠無數自蔡洲岸入石頭淮至于青塘兩岸數日自死隨流出江是月郢州南浦水黑如墨五月甲午東冶鑄鐵有物赤色大如數升自天墜鎔所有聲隆隆如雷鐵飛出牆外燒人家六月戊戌扶南國遣使朝貢庚子廢皇太子允爲吳興王立揚州刺史始安王深爲皇太子辛丑以太子詹事袁憲爲尙書僕射丁巳大風自西北激濤水入石頭城淮渚暴溢漂沒舟乘冬十月己亥立皇子藩爲吳王己酉幸莫府山大校獵

十一月丁卯詔剋日於大政殿訊獄丙子立皇弟叔榮
爲新昌王叔匡爲太原王初隋文帝受周禪甚敦鄰好
宣帝尙不禁侵掠太建末隋兵大舉聞宣帝崩乃命班
師遣使赴弔修敵國之禮書稱姓名頓首而後主益驕
書末云想彼統內如宜此宇宙清泰隋文帝不說以示
朝臣清河公楊素素以爲主辱臣死再拜請罪及襄邑
公賀若弼竝奮求致討後主使袁彥聘隋竊圖隋文帝
狀以歸後主見之大駭曰吾不欲見此人每遣間諜隋
文帝皆給衣馬禮遣以歸後主愈驕不虞外難荒于酒
色不恤政事左右嬖佞珥貂者五十人婦人美貌麗服
巧態以從者千餘人常使張貴妃孔貴人等八人夾坐
江總孔範等十人豫宴號曰狎客先令八婦人嬖采箋
製五言詩十客一時繼和遲則罰酒君臣酣飲從夕達
旦以此爲常而盛修宮室無時休止稅江稅市徵取百
端刑罰酷濫牢獄常滿覆舟山及蔣山柏林冬月常多
采醴後主以爲甘露之瑞前後災異甚多有神自稱老
子游於都下與人對語而不見形言吉凶多驗得酒輒
醕之經三四年乃去船下有聲云明年亂視之得嬰兒
長三尺而無頭蔣山衆鳥鼓兩翼以拊膺曰奈何帝奈
何帝又建鄴城無故自壞青龍出建陽門井涌霧赤地

生黑白毛大風拔朱雀門臨平湖草葍塞忽然自通後
主又夢黃衣圍城乃盡去繞城橋樹又見大蛇中分首
尾各走夜中索飲忽變爲血有血霑階至於坐牀頭而
火起有狐入其狀下捕之不見以爲祇乃自賣於佛寺
爲奴以禳之於郭內大皇佛寺起七層塔未畢火從中
起飛至石頭燒死者甚衆又采木湘州擬造正寢棧至
牛渚磯盡沒水中旣而漁人見棧浮於海上又起齊雲
觀國人歌曰齊雲觀寇來無際畔始北齊末諸省官人
多稱省主未幾而滅至是舉朝亦有此稱識者以爲省
主主將見省之兆隋文帝謂僕射高頴曰我爲百姓父
母豈可限一衣帶水不拯之乎命大作戰船人請密之
隋文帝曰吾將顯行天誅何密之有使投柿于江若彼
能改吾又何求及納梁蕭瓛蕭巖隋文帝愈憤以晉王
廣爲元帥總十八總管致討乃送璽書暴後主二十惡
又散遣詔書書三十萬紙徧喻江外諸軍旣下江濱鎮
戍相繼奏聞新除湘州刺史施文慶中書舍人沈客卿
掌機密竝抑而不言初蕭巖蕭瓛之至也德敎學士沈
君道夢殿前長人朱衣虎冠頭出欄上攘臂怒曰那忽
受叛蕭誤人事後主聞之忌二蕭故遠散其衆以巖爲

通志

卷四

陳紀十四

三

東揚州刺史瓛爲吳州刺史使領軍任忠出守吳興郡

以襟帶二州使南平王嶷鎮江州永嘉王彥鎮南徐州
尋召二王赴期明年元會命緣江諸防船艦悉從二王
還都以示威勢由是江中無一鬪船上流諸州兵皆阻
楊素軍不得至都下甲士尙十餘萬人及聞隋軍臨江
後主曰王氣在此齊兵三度來周兵再度至無不摧沒
虜今來者必自敗孔範亦言無度江理但奏技縱酒作
詩不輟

三年春正月乙丑朔朝會大霧四塞八人鼻皆辛酸後
主昏睡至晡時乃罷是日隋將賀若弼自北道廣陵濟
韓擒虎趨橫江濟分兵晨襲採石取之進拔姑熟次於

通志

卷四

陳紀十四

五

新林時弼攻下京口緣江諸戍望風盡走弼分兵斷曲
阿之衝而入丙寅采石戍主徐子建至告變戊辰乃下
詔曰犬羊陵縱侵竊郊畿蜂蠆有毒宜時埽定朕當親
御六師廓清八表內外竝可戒嚴於是以前蕭摩訶爲皇
畿大都督樊猛爲上流大都督樊毅爲下流大都督司
馬消難施文慶竝爲大監軍重立賞格分兵鎮守要害
僧尼道士盡皆執役庚午賀若弼攻陷南徐州辛未韓
擒虎又陷南豫州隋軍南北道竝進辛巳賀若弼進軍
鍾山頓白土岡之東南衆軍敗績弼乘勝進軍宮城燒
北掖門是時韓擒虎率衆自新林至石子岡鎮東大將

月壬戌以尙書僕射王瑒爲左僕射太子詹事陸繕爲右僕射甲子南康郡獻瑞鍾一

八年春二月壬申以開府儀同三司吳明徹爲司空夏五月庚寅尙書左僕射王瑒卒六月甲寅以尙書右僕射陸繕爲左僕射新除晉陽太守王克爲右僕射秋九月戊戌立皇子叔彪爲淮南王

九年春正月乙亥齊主傳位於其太子恆自號太上皇是月周滅齊二月壬子耕籍田秋七月己卯百濟國遣使朝貢庚辰大雨震萬安陵華表己丑震慧日寺刹及瓦宮寺重門一女子震死冬十月戊午司徒吳明徹破

通志

卷四

陳紀十四

五

周將梁士彥於呂梁十二月戊申東宮成皇太子移于新宮

十年春二月甲子周軍救梁士彥大敗司空吳明徹於呂梁及將卒皆見囚俘不反三月辛未震武庫丙子分命衆軍以備周乙酉大赦夏四月庚戌詔繕在軍者並賜爵二級又詔御府堂署所營造禮樂儀服軍器之外悉皆停息掖庭常供王侯妃主諸有奉卹者並各量減庚申大雨雹六月丁酉周武帝徂閏六月丁卯大雨震大皇寺刹莊嚴寺露盤重陽閣東樓千秋門內槐樹及空臚府門秋七月戊戌新羅國遣使朝貢八月戊寅隕

訶護軍樊毅中領軍魯廣達鎮軍將軍任忠吏部尚書
姚察侍中中書令蔡徵左衛將軍樊猛自尚書郎以上
二百餘人文帝使納言宣詔勞之次使內史令宣詔讓
後主後主伏地屏息不能對乃見宥隋文帝詔陳武文
宣三帝陵總給五百戶分守之初武帝始卽位其夜奉
朝請史普直宿省夢有人自天而下導從數十至太極
殿前北面執玉策金字曰陳氏五帝三十二年及後主
在東宮時有婦人突入唱曰畢國主有鳥一足集其殿
庭以背畫地成文曰獨足上高臺盛草變爲灰欲知我
家處朱門當水開解者以爲獨足蓋指後主獨行無衆

通志

卷五

陳紀十四

三

盛草言荒穢隋承火運草得火而灰及至京師與其家
屬館於都水臺所謂上高臺當水也其言皆驗或言後
主名叔寶反語爲少福亦敗亡之徵云旣見宥隋文帝
給賜甚厚數得引見班同三品每預宴恐致傷心爲不
奏吳音後監守者奏言叔寶云旣無秩位每預朝集願
得一官號隋文帝曰叔寶全無心肝監者又言叔寶常
沈醉罕有醒時隋文帝使節其酒旣而曰任其性不爾
何以過日未幾帝又問監者叔寶所嗜對曰嗜驢肉問
飲酒多少對曰與其子弟日飲一石隋文帝大驚及從
東巡登芒山侍飲賦詩曰日月光天德山河壯帝居大

平無以報願上東封書并表請封禪隋文帝優詔謙讓
不許後從至仁壽宮常侍宴及出隋文帝目之曰此敗
豈不由酒將作詩功夫何如思安時事當賀若弼度京
口彼人密啓告急叔寶爲飲酒遂不省之高頴至日猶
見啓在牀下未開封此亦是可笑蓋天亡也昔苻氏所
征得國皆榮貴其主苟欲求名不知違天命與之官乃
違天也隋文帝以陳氏子弟既多恐京下爲過皆分置
諸州縣每歲賜以衣服以安全之後主以隋仁壽四年
十一月壬子終於洛陽時年五十二贈大將軍封長城

縣公諡曰煬葬河南洛陽之芒山

通志

卷四

陳紀十四

三

後主至德四年禎明二年卽位六年

右陳五主凡三十三年爲隋所滅

通志卷第十五上

宋 右 迪 功 郎 鄭 樵 漁 仲 撰

後魏紀第十五上

聖武帝 神元帝 思帝 昭帝 桓帝 穆帝 平文帝

惠帝 煬帝 烈帝 昭成帝 道武帝 明元

帝 太武帝 文成帝 獻文帝

魏之先出自黃帝軒轅氏黃帝子曰昌意昌意之少子受封北國有大鮮卑山因以為號其後世為君長統幽都之北廣漠之野畜牧遷徙射獵為業淳樸為俗簡易為化不為文字刻木結繩而已時事遠近人相傳授如

通志

卷五 上

後魏紀十五上

一

史官之紀錄焉黃帝以土德王北俗謂土為托謂后為跋故以為氏其裔始均仕堯時逐女魃於弱水北人賴其勳舜命為田祖歷三代至秦漢獯鬻狁山戎匈奴之屬累代作害中州而始均之裔不交南夏是以載籍無聞積六七十代至成皇帝諱毛立統國三十六大姓九十九威振北方成帝崩節皇帝貸立節帝崩莊皇帝觀立莊帝崩明皇帝樓立明帝崩安皇帝越立安帝崩宣皇帝推寅立宣帝南遷大澤方千餘里厥土昏冥沮洳謀更南徙未行而崩景皇帝利立景帝崩元皇帝俟立元帝崩和皇帝肆立和帝崩定皇帝機立定帝崩僖

皇帝蓋立僖帝崩威皇帝澹立威帝崩獻皇帝鄰立時
有神人言此土荒遐宜徙建都邑獻帝年老乃以位授
子聖武皇帝命南移山谷高深九難入阻於是欲止有
神獸似馬其聲類牛導引歷年乃出始居匈奴故地其
遷徙策略多出宣獻二帝故時人竝號曰推寅蓋俗云
鑽研之義

聖武皇帝諱詰汾嘗田於山澤歛見輜輶自天而下既
至見美婦人自稱天女受命相偶旦日請還期年周時
復會于此言終而別及碁帝至先田處果見天女以所
生男授帝曰此君以子也當世爲帝王語訖而去卽始
祖神元皇帝也故時人諺曰詰汾皇帝無婦家力微皇
帝無舅家帝崩神元皇帝立

通志

卷五 上

後魏紀五十五

二

神元皇帝諱力微元年歲在庚子先是西部內侵依於
沒鹿廻部大人竇賓神元有雄傑以度後與賓攻西部
賓軍敗失馬步走神元使以所乘駿馬給之賓歸求馬
主帝隱而不言賓後知大驚將分國之半奉帝帝不受
乃進其愛女賓猶思報恩乃從帝所欲徙所部北居長
川積數年舊部人咸來歸附及賓臨終戒其二子使謹
奉神元其子不從乃陰謀逆帝召殺以盡并其衆諸部
大人悉服控弦之士二十餘萬三十九年遷於定襄之

盛樂四月祭天諸部君長皆來助祭唯白部大人觀望
不至徵而戮之遠近肅然帝乃告諸大人爲與魏和親
計四十二年遣子文帝如魏且觀風土是歲魏景元二
年也文帝諱沙漠汗以國太子留洛陽後文帝以神元
春秋已高求歸晉武帝具禮護送五十六年文帝復如
晉其冬還國晉征北將軍衛瓘以文帝雄異恐爲後患
請留不遣復請以金錦賂國之大人令致閒隙五十八
年方遣帝神元使諸部大人詣陰館迎帝酒酣帝仰視
飛鳥飛丸落之時國俗無彈衆大驚相謂曰太子被服
同南夏兼奇術絕人若繼國統變易舊俗吾等必不得
志乃謀危害帝竝先馳還曰太子引空弓而落飛鳥似
得晉人異法自帝在晉後諸子愛寵神元頗有所惑及
聞諸大人請因曰當便除之於是諸大人馳詣塞南矯
害帝其年神元不豫烏丸王庫賢親近任勢先受衛瓘
之貨欲沮動諸部因於庭中礪鉞謂諸大人曰上恨汝
曹讒殺太子欲盡收諸大人長子殺之大人皆信各各
散走神元尋崩凡享國五十八年年一百四歲道武卽
位尊爲始祖子章皇帝悉鹿立時諸部離散帝九年而
崩弟平皇帝綽立七年而崩文帝少子思皇帝立

思皇帝諱弗政崇寬簡百姓懷服一年而崩

通志

卷五上

後魏紀十五上

三

昭皇帝諱祿官神元帝之子也帝立九年分國爲三部
一居上谷北濡源西東接宇文部自統之一居代郡之
參合陂北使文帝長子桓帝諱猗奄統之一居定襄之
盛樂故城使桓帝弟穆帝猗盧統之自神元以來與晉
和好是歲穆帝始出并州遷雜胡北徙雲中五原朔方
又西度河擊匈奴烏丸諸部自杏城以北八十里迄長
城原夾道立碣與晉分界二年葬文帝及皇后封氏初
思帝欲改葬未果而崩至是述成前意焉三年桓帝度
漠北巡因西略諸國凡積五歲諸部降附者三十餘國
桓帝英傑魁岸馬不能勝常乘安車駕大牛牛角容一

通志

卷五上

後魏紀十五上

四

石帝會中盡嘔吐之地仍生榆參合陂土無榆故時人
異之十年匈奴別種劉淵反晉於離石自號漢王并州
刺史司馬騰來乞師桓帝與帝大舉以助之大破淵衆
於西河上黨桓帝與騰盟於汾東而還乃使輔相衛雄
段繁於參合陂西累石爲亭樹碑以紀行焉十一年晉
假桓帝大單于金印紫綬是歲桓帝崩桓帝統部凡十
一年後定襄侯衛操樹碑於大邗城以頌功德子普根
代立十三年昭帝崩穆帝總攝三部爲一統帝天姿英
峙勇略過人元年劉淵僭帝號自稱大漢三年晉并州
刺史劉琨遣子導爲質乞師帝使弟子平文皇帝助琨

破白部大人次攻鐵弗劉虎晉懷帝進帝大單于封代公帝以封邑去國縣遠從琨求句注陁北地琨大喜乃徙馬邑陰館樓煩繁峙崞五縣人於陁南更立城邑盡獻其地東接代郡西連西河朔方數百里帝乃徙十萬家以充之六年城盛樂以爲北都修故平城以爲南都帝登平城西山觀望地勢乃更南百里於灑水之陽黃瓜推築新平城晉人謂之小平城使子六修鎮之統領南部八年晉愍帝進帝爲代王置官屬食代常山二郡先是國俗寬簡至是明刑峻法諸部人多以違命得罪凡後期者皆舉部戮之或有室家相攜悉赴死所人間何之曰當就誅其威嚴若此九年帝召六修不至怒討之失利遂崩普根先守外境聞難來攻六修滅之普根立月餘薨普根子始生桓帝后立之又薨思帝子平文皇帝立

通志

卷五上

後魏紀十五上

五

平文皇帝諱鬱律姿質雄壯甚有威略元年歲在丁丑二年劉虎據朔方來侵西部帝大破之西兼烏孫故地東吞勿吉以西控弦上馬將百萬是歲晉元帝卽位於江南劉曜僭帝位帝聞晉愍帝爲曜所害顧謂大臣曰今中原無主天其資我乎曜遣使請和帝不納三年石勒自稱趙王遣使乞和請爲兄弟帝斬其使以絕之五

年晉元帝遣使韓暢加崇爵服帝絕之講武有平南夏志桓帝后以帝得衆心恐不利已子害帝遂崩大人死者數十人天興初追尊曰太祖

惠皇帝諱賀儻桓帝中子也以五年爲元年帝未親政事太后臨朝遣使與石勒通和時人謂之女國使四年帝始臨朝以諸部人情未悉款順乃築城於東木根山徙都之五年帝崩

煬皇帝諱紇那惠弟之弟也以五年爲元年三年石勒遣石虎寇邊部帝禦之不利遷於大甯時平文帝長子烈帝居於舅賀蘭部帝遣使求之賀蘭部帥藹頭擁護

通志

卷五十一

後魏紀十五上

六

不遣帝怒召宇文部并力擊藹頭宇文衆敗帝還大甯五年帝出居於宇文部賀蘭及諸部大人共立烈帝

烈皇帝諱翳槐以五年爲元年石勒遣使求和帝遣弟昭成帝如襄國徙者五千餘家七年藹頭不修臣職召而戮之國人復貳於是煬帝自宇文部還入諸部大人復奉之煬帝以烈帝七年爲後元年時烈帝出居於鄴三年石虎納烈帝於大甯國人六千餘家部落叛煬帝出居於慕容部烈帝復立以煬帝三年爲後元年城盛樂城在故城東南十里一年而崩弟昭成皇帝立

昭成皇帝諱什翼犍平文皇帝之次子也生而奇偉寬

仁大度身長八尺隆準龍顏立髮委地臥則乳垂至席
烈帝臨崩顧命迎帝曰立此人則社稷乃安故帝弟孤
自詣鄴奉迎與帝俱還十一月卽位於繁峙北始稱建
國元年時年十九

二年春始置百官分掌衆職東自滅貊西及破落那莫
不款附五月朝諸大人於參合陂議定都灑源川連日
不決乃從太后計而止聘慕容皝妹爲皇后

三年春移都雲中之盛樂宮

四年築盛樂城於故城南八里皇后慕容氏崩十月劉
虎寇西境帝遣軍大破之虎死子務桓立始來歸順帝

通志

卷五上

後魏紀十五上

七

以女妻之

五年五月幸參合陂七月七日諸部畢集設壇埒講武
騎射因以爲常八月還雲中

七年二月遣大人長孫秩迎后慕容氏於和龍皝送女
於境七月慕容皝遣使來聘求交婚帝許之以烈帝女
妻焉

十四年帝以中州紛梗將親率六軍乘石氏之亂廓定
中亂諸大人諫乃止

十八年太后王氏崩

十九年正月劉務桓死其弟闕頭立潛謀反

二十一年闕頭部人多叛懼而東走度河半濟而水陷後衆盡歸其兄子悉勿祈初闕頭之叛悉勿祈兄弟十二人在帝左右盡遣之歸欲其自相猜離至是悉勿祈奪其衆闕頭窮而歸命帝待之如初

二十二年春帝東巡桑乾川四月悉勿祈死弟衛辰立二十三年六月皇后慕容氏崩七月衛辰來會葬因求婚許之

二十五年帝南巡君子津

二十八年正月衛辰謀反度河東帝討之衛辰懼逃走

三十年十月帝征衛辰時河水未成帝乃以韋絙約漸

通志

卷五

上

後魏紀十五上

八

俄然冰合乃散葦於上水草相結若浮橋然衆軍利涉衛辰與宗族西走收其部落而還

三十四年春長孫斤謀反伏誅斤之反也拔刃向御坐太子實格之傷脅五月薨後追諡焉是爲獻明皇帝七月皇孫珪生大赦

三十九年秦王苻堅遣其大司馬苻洛帥衆二十萬及其將朱彤張蚝鄧羌等諸道來寇王師不利帝時不豫乃率國人避於陰山之北高車雜種盡叛四面寇鈔不得芻牧復度漠南堅軍稍退乃還十二月至雲中旬有二日皇子實君作亂帝暴崩時年五十七道武卽位尊

曰高祖帝性寬厚時國少繪帛代人許謙盜絹二疋守者以告帝匿之謂燕鳳曰吾不忍視謙之面卿勿洩之謙或慙而自殺爲財辱士非也帝嘗擊西部叛賊流矢中日賊破後諸大臣見執射者各持錐刀欲屠境之帝曰各爲其主何罪也釋之其仁恕若此

太祖道武皇帝諱珪昭成皇帝之嫡孫獻明帝之子也母曰獻明賀皇后初后因遷徙游於雲澤寢夢日出室內寤而見光自牖屬天歎然有感以建國三十四年七月七日生帝於參合陂北其夜復有光明昭成大悅羣

臣稱慶大赦告于祖宗保母以帝體重倍於常兒竊獨

通志

卷五上

後魏紀十五上

九

奇怪明年有榆生於臧胞之坎後遂成林帝弱而能言日有光曜廣額大耳六歲而昭成崩苻堅遣將內侮將遷帝長安賴燕鳳乃免堅軍既還國衆離散堅使劉庫仁劉衛辰分攝國事南部大人長孫嵩及元他等盡將故人衆南依庫仁帝於是轉在獨孤部

元年葬昭成皇帝於金陵營梓宮木梯盡生成林帝雖冲幼而巖然不羣劉庫仁常謂其子曰帝有高天下之志必興復洪業

七年十月晉敗苻堅于淮南慕容文等殺劉庫仁弟眷

代攝國部

八年燕慕容皝弟冲僭立苻堅將姚萇自稱大單于萬年秦王慕容垂僭稱燕王

九年劉庫仁子顯殺眷而代之乃將謀逆商人王霸知之履帝足於衆中帝乃馳還是時故大人梁盆子六眷爲顯謀主盡知其計密使部人穆崇馳告帝乃陰結舊臣長孫犍元他等因幸賀蘭部其日顯果使人殺帝不及語在獻明太后傳是歲乞伏國仁私署秦河二州牧大單于姚萇殺苻堅堅子丕僭卽皇帝位於晉陽

登國元年春正月戊申帝卽代王位郊天建元大會於牛川復以長孫嵩爲南部大人以叔孫普洛爲北部大

通志

卷五十一

後魏紀十五上

十

人是月慕容垂僭卽皇帝位於中山國號燕二月幸定襄之盛樂息衆課農慕容冲爲其部下所殺夏四月改稱魏王五月姚萇僭卽皇帝位於長安國號大秦秋八月劉顯遣弟亢泥迎皇叔父窟咄于慕容垂以兵隨之來逼南境帝左右于桓等與諸部大人謀應之事洩誅造謀者五人餘悉不問帝慮內難乃北逾陰山幸賀蘭部阻山爲固遣行人安同長孫賀徵師于慕容垂垂令其子賀麟率師隨同等軍未至而寇逼於是北部大人叔孫普洛等十三人及諸烏丸亡奔衛辰帝自弩山幸牛川屯于延水南出代谷會賀麟於高柳大破窟咄悉

收其衆冬十月苻丕爲晉將馮該所殺慕容永僭卽皇帝位於長子十一月苻登僭卽皇帝位於隴東十二月慕容垂遣使奉帝西單于印綬封上谷玉帝不納
二年夏五月遣行人安同徵兵於慕容垂垂遣子賀麟率衆來會六月帝親征劉顯顯奔慕容永盡收其部落冬十二月巡松漠還幸牛川

三年夏五月癸亥北征庫莫奚大破之六月乞伏國仁死其弟乾歸立私署河南王秋七月庫莫奚部帥鳩集遣散夜犯行宮縱騎橫討盡滅之八月使九原公儀於慕容垂冬十月垂遣使朝貢

通志

卷五 上

後魏紀十五 上

十一

四年春正月甲寅襲高車諸部落二月癸巳遂至女水討叱突鄰部並大破之是月呂光自稱三河王夏五月使陳留公虔於慕容垂冬十月垂遣使朝貢

五年春三月甲申西征次鹿渾海襲高車袁紇部大破之慕容垂遣子賀麟來會夏四月丙寅行幸意辛山與賀麟討賀蘭紇奚諸部落大破之秋八月還幸牛川使秦王觚於慕容垂九月壬申討叱奴部囊曲水破之冬十月討高車豆陳部於狼山破之十二月帝還次白漠六年春正月幸紐垓川三月遣九原公儀陳留公虔等西討黜弗部大破之夏四月祭天秋七月壬申講武于

牛川慕容垂止秦王觚而求名馬帝絕之乃遣使於慕容永永使其大鴻臚慕容鈞奉表勸進尊號九月帝襲五原屠之收其積穀還紐埵川於柁陽塞北樹碑紀功冬十月戊戌北征蠕蠕追破之於大磧南商山下十一月戊辰還幸紐埵川戊寅衛辰遣子直力鞬寇南部壬午帝大破之於鐵岐山南衛辰父子奔遯十二月滅之衛辰少子屈丐亡奔薛干部白河以南諸部悉平收衛辰子弟宗黨無少長五千餘人盡殺之是歲起河南宮七年春正月幸木根山遂次黑鹽池享羣臣北之美水三月還幸河南宮秋七月行幸漠南仍築巡臺冬十二月

通志

卷五上

後魏紀十五上

七

月慕容永遣使朝貢

八年春正月南巡二月幸殺羊原赴白樓夏六月北巡秋七月臨幸新壇先是衛辰子屈丐奔薛干部徵之不送八月帝南征薛干部屠其城九月還幸河南宮九年春三月北巡使東平公儀屯田於河北五原至於柁陽塞外夏五月田於河東秋七月還幸河南宮冬十月蠕蠕杜崙等率部落西走是歲姚萇子興僭位殺苻登慕容垂滅永

十年秋七月慕容垂遣其子寶來寇五原八月帝親兵於河南冬十月辛未寶燒船夜遯己卯帝進軍濟河乙

酉夕至參合陂丙戌大破之禽其王公以下文武將吏數千人於俘虜中擢其才識者賈彝賈閏鼂崇等參謀議憲章故實十二月還幸雲中之盛樂

皇始元年春正月大蒐于定襄因東幸善無北陂三月慕容垂寇桑乾川陳留公虔死之垂遂至平城西北聞帝將至乃築城自守疾甚遂遯死於上谷子寶祕喪還至中山乃僭立夏六月丁亥皇太后賀氏崩是月葬獻明太后呂光僭稱天王國號涼秋七月左司馬許謙上書勸進尊號於是改元始建天子旌旗出警入蹕八月己亥大舉討慕容寶帝親勒六軍四十餘萬南出馬邑

通志

卷五 上

後魏紀十五 上

三

逾旬注旌旗絡繹二千餘里鼓行而前人屋皆震別詔將軍封眞等從東道襲幽州圍薊九月戊午次陽曲乘西山臨觀晉陽寶并州牧遼西王農棄城遯并州平初建臺省置百官封拜公侯將軍刺史太守尙書郎以下悉用文人帝初拓中原畱心慰納諸士大夫詣軍門者無少長皆引入人得盡言苟有微能咸蒙敘用己未詔輔國將軍奚牧略地晉川獲慕容寶丹陽王買得等於平陶城九月晉孝武帝徂冬十一月庚子朔帝至眞定自常山以東守宰或捐城奔竄或稽顙軍門唯中山鄴信都三城不下別詔東平公儀攻鄴冠軍將軍王建左

軍將軍李粟等攻信都詔軍行不得傷桑棗戊午進軍中山已未圍之帝曰朕量寶不能出戰必憑城自守急攻則傷士卒久守則費糧不如先平鄴信都然後還取中山諸將稱善丁卯車駕幸魯口城

二年春正月壬戌帝引騎圍信都其夜寶冀州刺史宜都王慕容鳳逾城奔中山癸亥寶輔國將軍張驥護軍將軍徐超舉城降是月鮮卑禿髮烏孤私署大單于西平王二月丁丑帝軍于鉅鹿之柏肆臨滹池水其夜寶悉衆犯營燎及行宮兵人駭散帝驚起不及衣冠跣出擊鼓俄而左右及中軍將士稍集帝設奇陣列烽營

通志

卷五 上

後魏紀十五 上

四

外縱騎衝之寶衆大敗走還中山獲其器械數十萬計寶尚書閔亮祕書監崔暹等降者相屬賜拜職爵各有差三月己酉車駕次盧奴寶求和請送秦王觚割常山以西奉魏乞守中山以東帝許之已而寶背約辛亥車駕次中山命將圍之是夜寶弟賀麟將妻子走西山寶恐賀麟先據和龍壬子夜北遯城內共立慕容普鄰爲王夏四月帝以軍糧不繼詔東平公儀罷鄴圍徙屯鉅鹿五月庚子帝以中山城內爲普鄰所脅乃招喻之甲辰曜兵揚威以示城內命諸軍罷圍南徙以待其變甲寅以東平公儀爲左丞相封衛王進襄城公題爵爲王

秋七月普鄰遣烏丸張驥率五千餘人出城求食寇靈壽賀麟自丁零中入驤軍因其衆復入中山殺普鄰而自立八月丙寅朔帝進軍九門時大疫人馬牛死者十五六中山猶拒守羣下咸思北還帝知之謂曰斯固天命將若之何四海之人皆可與爲國在吾所以撫之耳何恤乎無人羣臣乃不敢言九月賀麟飢窮率三萬餘人寇新市甲子晦帝進軍討之太史令鼂崇奏曰不吉帝曰何也對曰紂以甲子亡兵家忌之帝曰周武不以甲子勝乎崇無以對冬十月丙寅帝進軍新市賀麟退阻派水依漸洳澤以自固甲戌帝臨其營戰於義臺隴

通志

卷五上

後魏紀十五上

五

大破之賀麟單馬走鄴慕容德殺之甲申賀麟所署公卿尙書將吏士卒降者二萬餘人其將張驥李沈慕容文等先來降尋皆亡還是日復獲之皆赦而不問獲所傳皇帝璽綬圖書府庫珍寶中山平乙酉襄城王題薨天興元年春正月慕容德走保滑臺衛王儀剋鄴庚子行幸眞定駕遂幸鄴百姓有老病不能自存者詔郡縣振卹之帝至鄴巡登臺榭徧覽宮城將有定都之志乃置行臺遂還中山所過存問百姓詔大軍所經州郡皆復貲租一年除山東人租賦之半車駕將北還發卒萬人通直道自望都鐵關鑿恆嶺至代五百餘里帝慮還

後山東有變乃於中山置行臺詔衛王儀鎮之使略陽公遵鎮勃海之合口右軍將軍尹國先督租于冀州聞帝將還謀反欲襲信都安南將軍長孫嵩執送斬之辛酉車駕發中山至于望都堯山徙山東六州人吏及徒河高麗新夷三十六署百工技巧十餘萬口以充京師車駕次于恆山之陽博陵勃海章武諸郡羣盜竝起略陽公遵等討之是月慕容德自稱燕王據廣固二月車駕至自中山幸繁時宮更選屯衛詔給內徙新戶耕牛計口受田三月徵左丞相衛王儀還京師詔略陽公遵代鎮中山夏四月壬戌以歷陽公穆崇爲太尉鉅鹿公

通志

卷五十一

後魏紀十五上

六

長孫嵩爲司徒進封略陽公遵爲常山王南安公順爲虢陵王祭天於西郊旗幟有加焉廣平太守遼西公意列謀反與郡人韓奇矯假讖圖將襲鄴城詔反者就郡賜死是月蘭汗殺慕容寶而自立爲大單于昌黎王六月丙子詔有司議定國號羣臣奏曰昔周秦以前帝王居所生之土及王天下卽承爲號今國家啓基雲代應以代爲號詔曰昔朕遠祖總御幽都控制遐國雖踐王位未定九州逮于朕躬掃平中土凶逆蕩除遐邇率服宜仍先號爲魏秋七月遷都平城始營宮室建宗廟立社稷慕容寶子盛殺蘭汗而自立爲長樂王八月詔有

司正封畿制郊甸端徑術灋道里平五權較五量定五
度遣使循行郡國舉奏守宰不法者親覽察黜陟之冬
十月起天文殿十一月辛亥尙書史部郎中鄧彥海典
官制正爵品定律呂協音樂儀曹郎中董謐撰郊廟社
稷朝覲享宴之儀三公郎中王德定律令申科禁太史
令鼂崇造渾儀考天象吏部尙書崔宏總裁之閏月左
丞相衛王儀及王公卿士詣闕上書曰臣等聞宸極居
中則列宿齊其晷帝王順天則羣后仰其度伏惟陛下
德協二儀道隆三五仁風被于四海盛化塞于天區澤
及昆蟲恩霑行葦謳歌所屬八表歸心而躬履謙虛退

通志

卷五

上
後魏紀十五上

七

身後已宸儀未彰袞服未御非所以上允皇天之意下
副樂推之心臣等謹昧死以聞帝三讓乃許之十二月
己丑帝臨天文殿太尉司徒進重綬百官咸稱萬歲大
赦改元追尊成帝以下及后號謚樂用皇始之舞詔百
司議定行次尙書崔宏等奏從土德服色尙黃數用五
祖以未臘以辰犧牲用白五郊立氣宣贊時令敬授人
時行夏之正徙六州二十二郡守宰豪傑吏人二千家
于代都

二年春正月甲子初祀上帝于南郊以始祖神元皇帝
配降壇視燎成禮而反乙丑赦京師始制三駕之法庚

午北巡分命諸將大襲高車常山王遵三軍從東道出長川高原王樂眞等七軍從西道出牛川車駕親勒六軍從中道自駿髻水西北出二月丁亥朔諸軍同會破高車雜種三十餘部衛王儀督三將別從西北絕漠千餘里破其遺迸七部還次牛川及薄山竝刻石紀功以所獲高車衆起鹿苑於南臺陰北距長城東苞白登屬之西山廣輪數十里鑿渠引武川水注之苑中疏爲三溝分流宮城內外又穿鴻鴈池三月己未車駕至自北伐甲子初令五經羣書各置博士僧國子太學生員三千人是月氏人李辯叛慕容德求援於鄴行臺尙書和

通志

卷五

上

後魏紀十五上

六

跋以輕騎應之剋滑臺收德宮人府藏秋七月起天華殿辛酉大閱于鹿苑八月增啓京城十二門作西武庫除州郡人租賦之半辛亥詔禮官備撰衆儀著于新令范陽人盧溥聚衆海濱稱幽州刺史攻掠郡縣殺幽州刺史封沓于是月禿髮烏孤死其弟利鹿孤立遣使朝貢冬十月太廟成遷神元平文昭成獻明皇帝神主于太廟十二月天華殿成呂光立其子紹爲天王自稱太上皇及死庶子纂殺紹而僭立

三年春正月戊午材官將軍和突破盧溥於遼西獲之及其子煥傳送京師轍之癸亥祀北郊分命諸官循行

州郡觀風俗察舉不法二月丁亥詔有司祀日于東郊始耕籍田壬寅皇子聰薨三月戊午立皇后慕容氏是月穿城南渠通於城內作東西魚池夏四月姚興遣使朝貢五月戊辰詔謁者僕射張濟使於姚興已已東巡遂幸涿鹿遣使者以太牢祀帝堯帝舜廟西幸馬邑觀灑源六月庚辰朔日有蝕之秋七月乞伏乾歸大爲姚興所破壬子車駕還宮起中天殿及雲母堂金華室時太史屢奏天文錯亂帝親覽經占多云宜改王易政於是數革官號欲以防塞凶狡消弭災變已而慮臣下疑惑冬十二月丙申下詔述成敗之理鑑殷周之失革秦漢之弊以喻臣下是歲河右諸郡奉李暲爲秦涼二州牧涼公

通志

卷五十一

後魏紀十五上

九

四年春二月丁亥命樂師人學習舞釋菜于先聖先師丁酉分命使者巡行州郡聽察辭訟糾劾不法是月呂光弟子隆弒呂纂而自立三月帝親漁薦于寢廟夏四月辛卯罷鄴行臺詔有司明揚軍逸五月起紫極殿元武樓涼風觀石池鹿苑臺六月盧水胡沮渠蒙遜私署涼州牧張掖公秋七月詔兖州刺史長孫肥南徇許昌彭城詔賜天下鎮戍將士布帛各有差八月段興殺慕容

容盛盛叔父熙盡誅段氏僭卽皇帝位冬十二月集博

士儒生比衆經文字義類相從凡四萬餘字號曰衆文經是歲涼李暹渠蒙遜竝遣使朝貢

五年春正月帝聞姚興將寇邊庚寅大簡興徒詔并州諸軍積穀于平陽乾壁三月禿髮利鹿孤死夏五月姚興遣其弟義陽王平來侵平陽攻陷乾壁秋七月戊辰朔車駕西討八月乙巳至乾壁平固守進軍圍之姚興悉舉其衆來救甲子帝度蒙阮逆擊興軍大破之冬十月平赴水而死俘其餘衆三萬餘人獲興尙書左僕射狄伯支以下四品將軍以上四十餘人獲前亡臣王次多靳勒竝斬以徇興頻使請和帝不許羣臣請進平蒲

通志

卷五十一

後魏紀十五上

十

阪帝慮蠕蠕爲難戊申班師十一月車駕次晉陽徵相州刺史庾岳爲司空十二月辛亥至自西征越勒莫弗率其部萬餘家內屬

六年春正月辛未朔方尉遲部別帥率萬家內屬入居雲中夏四月癸巳朔日有蝕之五月大簡興徒將略江淮秋七月鎮西大將軍司隸校尉毗陵王順有罪以王還第戊子北巡築離宮于豺山縱士校獵東北逾罽嶺出參合代谷九月行幸南平城規度灑南夏屋山背黃瓜堆將建新邑辛未車駕還宮冬十月起西昭陽殿乙卯立皇子嗣爲齊王加車騎大將軍位相國紹爲清河

王加征南大將軍熙爲陽平王曜爲河南王封故秦愍王子夔爲豫章王陳留桓王子悅爲朱提王丁巳晉人來聘十一月庚午將軍伊謂大破高車十二月晉桓元廢其主司馬德宗爲平固王而自立僭號楚

天賜元年春二月晉劉裕起兵誅桓元三月初限縣戶不滿百罷之夏五月置山東諸治發州郡徒謫造兵甲秋九月帝臨昭陽殿分置衆職引朝臣文武親自簡擢量能敘用制爵四等曰王公侯子除伯男之號追錄舊臣加封爵各有差是秋江南大亂流人襁負奔淮北者行道相尋冬十月辛巳大赦改元築西宮十一月幸西

通志

卷五十一

後魏紀十五上

三

宮大選臣寮令各辯宗黨保舉才行諸部子孫失業賜爵者二千餘人

二年春正月晉主司馬德宗復位夏四月祀西郊車旗盡黑冬十月慕容德死

三年春正月甲申北巡幸豺山宮校獵還至屈孤山二月乙亥幸代園山建五石亭三月庚子車駕還宮夏四月庚申復幸豺山宮占授著作郎王宜弟造兵法孤虛立成圖三百六十時遂登定襄角史山又幸馬城甲戌車駕還宮六月發八部五百里內男丁築灑南宮門闕高十餘丈引溝穿池廣苑園規立外城方二十里分置

市里經途洞達三十日罷秋七月太尉穆崇薨八月甲辰行幸豺山宮遂至青牛山丙辰西登武要北原觀九十九泉造石亭遂之石漠九月甲戌朔幸漠南鹽池壬午至漠中觀天鹽池度漠北之吐鹽池癸巳南還長川丙申臨觀長陂冬十月庚申車駕還宮

四年春二月封皇子修爲河閒王處文爲長樂王連爲廣平王黎爲京兆王夏五月北巡自參合陂東過蟠羊山大雨暴水流輻重數百乘殺百餘人遂東北逾石漠至長川幸濡源常山王遵有罪賜死六月赫連屈丐自稱大單于大夏天王秋七月西幸參合陂築北宮垣三通志

卷五

上

後魏紀十五上

三

旬而罷乃還宮慕容寶養子高雲殺慕容熙而自立僭號天王八月誅司空庾岳

五年春正月行幸豺山宮遂如參合陂觀漁于延水至甯川三月姚興遣使朝貢秋七月戊戌朔日有蝕之冬十月禿髮傉檀僭卽涼王位

六年夏帝不豫初帝服寒食散自太醫令陰羌死後藥數動發至此愈甚而災變屢見憂懣不安或數日不食或不寢達旦歸咎羣下喜怒乖常謂百寮左右不可信慮如天文之占或有肘腋之虞追思既往成敗得失終日竟夜獨語不止若傍有鬼物對揚者朝臣至前追其

舊惡便見殺害其餘或以頽色變動或以喘息不調或以行步乖節或以言辭失措帝以爲懷惡在心變見於外乃手自歐擊死者皆陳天安殿前於是朝野人情各懷危懼有司廢怠莫相督攝百工偷劫盜賊公行巷里之閒人爲稀少帝亦聞之曰朕故縱之使然幸過災年當更清整之耳秋七月慕容氏支屬百餘家謀欲外奔發覺伏誅死者三百餘人八月衛王儀謀叛賜死十月戊辰清河王紹作亂帝崩於天安殿時年三十九永興二年九月甲寅上諡曰宣武皇帝葬於盛樂金陵廟號

太祖泰恆五年改諡曰道武帝

通志

卷五上

後魏紀十五上

三

道武九年始稱年號登國十年皇始二年天興六年天賜六年卽位三十二年

太宗明元皇帝諱嗣道武皇帝之長子也母曰劉貴人登國七年生於雲中宮道武晚有男聞而大悅乃大赦帝明獻寬毅非禮不動天興六年封齊王拜相國初帝母旣賜死道武召帝告曰昔漢武將立其子而殺其母不令婦人與國政汝當繼統故吾還同漢武帝素純孝哀不自勝道武怒帝還宮哀不自止道武知而又召帝帝欲入左右諫請待和解而進帝從之及元紹之逆帝

還而誅之

永興元年冬十月壬午皇帝卽位大赦改元追尊皇妣
爲宣穆皇后公卿大臣先罷歸第者悉復登用之詔南
平公長孫嵩北新侯安同對理人訟簡賢任能是月馮
跋殺其主高雲僭號天王國號北燕閏十月丁亥朱提
王悅謀反賜死詔都兵將軍山陽侯奚斤巡諸州問人
疾苦十二月戊戌封衛王儀子良爲南陽王進陰平公
烈爵爲王改封高涼王樂眞爲平陽王己亥帝始居西
宮御天文殿螻蛄犯塞是歲乞伏乾歸自稱秦王

二年春正月甲寅朔詔南平公長孫嵩等北征螻蛄因
雷屯漠南夏五月嵩等自大漠還螻蛄追圍之於牛川
壬申帝北伐螻蛄聞而遯走車駕還幸參合陂六
月晉將劉裕滅慕容超秋七月丁巳立射臺於陂西仍
講武乙丑至自北伐

三年春二月戊戌詔簡宮人非御及技巧者悉以賜鰥
人已亥詔北新侯安同等持節巡行并定二州及諸山
居雜胡丁零問其疾苦察舉守宰不法者辛丑簡宮人
工技之不急者出賜人不能自存者三月己未詔侍臣
常佩劍夏五月丙寅復出宮人賜鰥人辛卯車駕謁金
陵於盛樂己巳昌黎王慕容伯兒謀反伏誅六月姚興
遣使朝貢秋七月戊申賜衛士酺三日冬十一月丁未

通志

卷五上

後魏紀十五上

五

大閱于東郊

四年春二月癸未登虎圍射猛虎夏四月乙未宴羣臣於西宮使各獻直言勿有所諱六月乞伏乾歸爲兄子公府所弑閏月丙辰大閱于東郊秋七月己巳朔東巡置四廂大將又放十二時置十二小將以山陽侯奚斤元城公屈行左右丞相己卯大獵于石會山戊子臨去畿陂觀漁庚寅以于濡源西巡幸北部諸落八月壬子幸西宮臨版殿大享羣臣命百姓大酺三日乙卯賜王公以下至宿衛將士布帛有差冬十一月己丑賜宗室

近屬南陽王良以下至於總麻親布帛各有差是月沮

通志

卷五 上

後魏紀十五 上

三

渠蒙遜僭稱西河王十二月丁巳北巡至長城而旋

五年春正月己巳大閱畿內男年十二以上悉集己卯

幸西宮頒拔大渠帥四十餘人詣闕奉貢賜以繪帛錦

黼各有差乙酉詔諸州六十戶出戎馬一疋庚寅大閱

于東郊署將帥以山陽侯奚斤爲前軍衆三萬陽平王

熙等十二將各一萬騎帝臨白登躬自校覽二月庚戌

幸高柳川癸丑穿魚池於北苑庚午姚興遣使朝貢己

卯詔使者巡行天下招延雋彥授揚隱逸夏四月乙卯

西巡五月乙亥行幸雲中舊宮之大室丙子大赦六月

西幸五原校獵于骨羅山獲獸十萬秋七月己巳還幸

薄山帝登觀宣武游幸刻石頌德之處乃於其旁起石壇而薦享焉賜從者大酺於山下前軍奚斤等破越勒倍泥部於跋那山西徙二萬餘家而旅丙戌車駕自大室西南巡諸部落遂南次定襄大洛城東逾七嶺山田于善無川八月癸卯車駕還宮癸丑奚斤等班師甲寅帝臨白登山觀降人數軍實置新人於大甯給農器計口受田冬十一月癸酉大享于西宮姚興遣使朝貢請進女帝許之

神瑞元年春正月辛酉以神瑞頻集大赦改元辛巳行幸繁峙賜王公以下至于士卒百工布帛各有差二月

通志

卷五上

後魏紀十五上

三

戊戌車駕還宮乙卯起豐宮於平城東北夏六月乞伏熾磐滅禿髮儁檀秋七月晉將朱齡石滅蜀八月戊子詔馬邑侯元陋孫使於姚興姚興遣使朝貢九月丁巳朔日有蝕之冬十一月壬午詔使者巡行諸州校閱守宰資財非自家所齎悉簿爲贓守宰不如法聽百姓詣闕告之十二月丙戌朔螟螻犯塞丙申車駕北伐

二年春正月丙辰車駕至自北伐二月丁亥大享于西宮甲辰立宣武廟于白登西三月丁丑詔以刺史守宰率多逋惰今年賞調縣違者謫出家財以充不聽徵發於人夏四月晉人來聘己卯北巡五月丁亥次於參合

東幸大甯丁未田于四岬山六月戊午臨去畿陂觀漁
辛酉次于濡源立螭臺遂射白熊於頽牛山獲之丁卯
幸赤城親見長老問民疾苦復租一年南次石亭幸上
谷問百年訪賢雋復田租之半壬申幸涿鹿登嶠山觀
溫泉使以太牢祠黃帝唐堯廟癸酉幸廣甯事如上谷
己卯登廣甯之歷山以太牢祠舜廟帝親加禮焉庚辰
幸代秋七月癸未車駕還宮復所過田租之半八月庚
辰晦日有蝕之九月京師人飢聽就食山東冬十月壬
子姚興使奉其西平公主至帝以后禮納之辛酉行幸
沮洳城癸亥車駕還宮丙寅詔以頻遇霜旱年穀不登

通志

卷五 上

後魏紀十五上

七

命出布帛倉穀以振貧窮

泰常元年春二月丁未姚興死三月己丑長樂王處文
薨夏四月壬子大赦改元庚申河間王修薨五月甲申
彗星二見六月丁巳北巡秋七月甲申大獮于牛川發
蒲山臨殷繁水南觀于九十九泉戊戌車駕還宮辛亥
晦日有蝕之九月晉劉裕湖河伐姚泓遣部將三仲德
從陸道至梁城兖州刺史尉建畏懦棄守北渡仲德遂
入滑臺詔將軍叔孫建等度河耀威斬尉建於城下冬
十一月戊寅起蓬臺于北苑十二月南陽王良薨

二年春正月甲戌朔日有蝕之二月丙午詔使者巡行

天下觀風俗問其所苦是月西涼李暠死五月西巡至雲中遂濟河田于大漠秋七月乙亥車駕還宮乙酉起白臺於城南高二十丈是月晉劉裕滅姚泓冬十月癸丑豫章王夔薨十一月巳酉詔河東河內賻泓子弟播越人閒者

三年春三月晉人來聘庚戌幸西宮以渤海范陽郡去年大水復其租稅夏四月巳巳徙冀定幽三州徙河於京師五月壬子東巡至濡源及甘松遣征東將軍長孫道生帥師襲馮跋遂至龍城徙其居人萬餘家而還秋七月戊午車駕至京師八月鴈門河內大雨水復其租稅冬十月戊辰築宮於西苑十一月赫連屈丐剋長安十二月晉安帝徂

通志

卷五上

後魏紀十五上

元

四年春正月壬辰朔車駕臨河大蒐于犢渚癸卯還宮二月赫連屈丐僭卽皇帝位癸丑築宮於蓬臺北夏四月庚辰享東廟遠蕃助祭者數百國辛巳南巡幸鴈門賜所過無出今年租賦五月庚寅朔觀漁于灑水己亥車駕還宮秋八月辛未東巡遣使祠恆岳甲申車駕還宮賜所過無出今年田租九月甲寅築宮於白登山冬十一月丁亥朔日有蝕之十二月癸亥西巡至雲中逾白道北獵野馬於辱孤山至于黃河從君子津西度大

狩於薛林山

五年春正月丙戌朔自薛林東還至屋竇城享勞將士
大酺二日班禽以賜之己亥車駕還宮三月丙戌南陽
王意文薨夏四月丙寅起灑南宮五月乙酉詔曰宣武
皇帝體得一之元遠應自然之沖妙大行大名未盡盛
美今啓緯圖始觀尊號其更上尊諡曰道武皇帝以章
靈命之先啓聖德之元同庚戌淮南侯司馬國璠池陽
侯司馬道賜等謀反伏誅六月丙寅幸翳嶺山是月晉
恭帝禪位于宋秋七月丁酉西至五原丁未幸雲中大
室賜從者大酺八月癸亥車駕還宮閏月甲午陰平王
烈薨是歲西涼亡

通志

卷五上

後魏紀十五上

三

六年春二月己亥詔天下戶二十輸戎馬一匹大牛一
頭三月甲子陽平王熙薨乙亥制六部人羊滿百口者
調戎馬一匹發京師六千餘人築苑起自舊苑東苞白
登周回四十餘里夏六月乙酉北巡至于蟠羊山秋七
月乙卯車駕還宮癸酉西巡獵于祚山親射猛獸獲之
遂至于河八月庚子大獮于犢渚九月庚戌車駕還宮
壬申宋人來聘冬十月己亥行幸代十二月丙申西巡
于雲中

七年春正月甲辰朔自雲中西幸屋竇城賜從者大酺

三日二月丙戌車駕還宮三月乙丑河南王曜薨夏四月甲戌封皇子燾爲太平王拜相國加大將軍丕爲樂平王加車騎大將軍彌爲安定王加衛大將軍範爲樂安王加中軍大將軍健爲永昌王加撫軍大將軍崇爲建寧王加輔國大將軍俊爲新興王加鎮軍大將軍獻懷長公主子稽敬爲長樂王拜大司馬大將軍初帝服寒食散頻年發動不堪萬機五月立太平王燾爲皇太子臨朝聽政是月宋武帝徂秋九月詔司空奚斤等帥師伐宋乙巳幸灑南宮遂如廣甯己酉詔皇太子率百國以法駕田于東苑車乘服物皆以乘輿之副辛亥築

通志 卷五 上 後魏紀十五 上 五

平城外郭周四三十二里辛酉幸嶠山遣使者祠黃帝唐堯廟因東幸幽州見耆年間其所苦賜以爵號分遣使者巡行州郡觀察風俗冬十月甲戌車駕還宮復所過田租之半奚斤等濟河攻滑臺不拔求濟師帝怒不許議親南征爲其聲援壬辰南巡出自天門關逾恆嶺四方蕃附大人各帥所部從者五萬餘人十一月皇太子親統六軍鎮塞上安定王彌與北新公安同居守丙午曲赦司州殊死以下丙辰次於中山問民疾苦十二月丙戌行幸冀州存問民俗遣壽光侯叔孫建等率衆自平原東度徇下青兗諸郡

八年春正月丙辰行幸鄴存問風俗司空奚斤既平竟
豫還圍虎牢宋守將毛德祖距守不下蝮蝮犯塞二月
戊辰築長城於長川之南起自赤城西至五原延袤二
千餘里備置戍衛三月乙卯濟自靈昌夏四月丁卯幸
成臯觀虎牢而城內乏水縣緆汲河帝令連艦上施轆
輻絕其汲路又穿地道以奪其井丁丑幸洛陽觀石經
閏月丁未還幸河內北登太行幸高都已未虎牢潰土
衆大疫死者十二三辛酉幸晉陽班賜王公以下至於
廝役五月丙寅還次鴈門皇太子率留臺王公迎于句
注之北庚寅車駕至自南巡六月己亥太尉宜都公穆
通志 卷五 上 後魏紀十五 上 三

觀薨丙辰北巡至參合陂秋七月幸三會屋侯泉詔皇
太子率百官以從八月幸馬邑觀于灑源九月乙亥車
駕還宮冬十月癸卯廣西宮起外牆周回二十里是歲
飢詔在所開倉振給十一月己巳帝崩於西宮時年三
十二遺詔以司空奚斤所獲軍實賜大臣自司徒長孫
嵩以下至于士卒各有差十二月庚子上諡曰明元皇
帝葬于雲中金陵廟稱太宗帝兼資文武禮愛儒生好
覽史傳以劉向所撰新序說苑於經典正義多有所闕
乃撰新集三十篇採諸經史該洽古義云

明元帝永興五年神瑞二年泰恆八年卽位十五

世祖太武皇帝諱燾明元皇帝之長子也母曰杜貴嬪
天賜五年生於東宮體貌瓌異道武奇之曰成吾業者
必此兒也泰常七年四月封太平王五月立爲皇太子
及明元帝疾命帝總攝百揆帝聰明大度意豁如也八
年十一月己巳明元帝崩壬申太子卽皇帝位大赦天
下十二月追尊皇妣爲密皇太后進司徒長孫嵩爵爲
北平王司空奚斤爲宣城王藍田公長孫翰爲平陽王
其餘普增爵位各有差於是除禁錮釋嫌疑開倉庫振
窮乏河南流人相率內屬者甚衆

通志

卷五十一

後魏紀十五上

三

始光元年春正月丙寅安定王彌薨夏四月甲辰東巡
幸大甯六月宋徐羨之弑其主義符秋七月車駕還宮
八月蝮蝮六萬騎入雲中殺略人吏攻陷盛樂帝帥輕
騎討之虜乃退走九月大簡輿徒於東郊將北討冬十
二月遣平陽王長孫翰等討蝮蝮車騎次祚山蝮蝮北
遯諸軍追之大獲而還

二年春正月己卯車駕至自北伐三月丙辰尊保母竇
氏曰保太后丁巳以北平王長孫嵩爲太尉平陽王長
孫翰爲司徒宣城王奚斤爲司空庚申營故東宮爲萬
壽宮起永安安樂二殿臨望觀九華堂初造新字千餘

夏四月詔龍驤將軍步堆使宋五月詔天下十家發大牛一頭運粟塞上秋八月赫連屈丐死九月永安安樂二殿成丁卯大享以落之冬十月癸卯車駕北伐東西五道竝出平陽王長孫翰等絕漠追寇蠕蠕北走

三年春正月壬申車駕至自北伐乞伏熾磐遣使朝貢請討赫連昌二月起大學於城東祀孔子以顏回配夏五月辛卯進中山公纂爵爲王復南安公素先爵常山王六月幸雲中舊宮謁陵廟西至五原田於陰山東至和兜山秋七月築馬射臺于長川帝親登臺走馬王公諸國君長馳射中者賜金錦繒絮各有差八月車駕還宮宋人來聘帝以赫連屈丐死諸子相攻冬十月丁巳車駕西伐幸雲中臨君子津會天暴寒數日水合十一月戊寅率輕騎襲赫連昌壬午徙萬餘家而還至祚山班虜獲以賜將士各有差十二月詔奚斤西據長安秦隴氏羌皆叛昌詣斤降武都王楊元及沮渠蒙遜等使使內附

四年春正月乙酉車駕至自西伐賜畱臺文武各有差從人在道多死到者裁十六七己亥行幸幽州赫連昌遣其弟定向長安帝聞之遣就陰山伐木造政具二月車駕還宮三月丙午詔執金吾桓貨造橋於君子津丁

通志

卷五上

後魏紀十五上

三

丑廣平王連薨夏四月丁未詔員外散騎常侍步堆使於宋五月車駕西討赫連昌次拔鄰山築城舍輜重以輕騎三萬先行戊戌至黑水帝親祈天告祖宗之靈而誓衆六月癸卯朔日有蝕之甲辰大破赫連昌昌奔上邽乙巳車駕入城虜昌羣弟及其母妹妻妾宮人萬數府庫珍寶車旗器物不可勝計辛酉班師留常山王素執金吾桓貸鎮統萬秋七月己卯築壇於祚嶺戲馬馳射賜中者金帛繪絮各有差輓輓寇雲中聞破赫連昌懼而逃八月壬子車駕至自西伐飲至策勳告宗廟班軍實以賜雷臺百寮各有差冬十一月以氏王楊元爲通志

卷五

後魏紀十五上

雷

假征南大將軍都督梁州刺史南秦王十二月行幸中山守宰貪汙免者十數人癸卯車駕還宮復所過田租之半

神龜元年春正月以天下守令多非法精選忠良悉代之辛未京兆王黎薨二月改元司空奚斤進軍安定監軍侍御史安顓出戰禽昌其餘衆立昌弟定爲主走還平涼三月辛巳侍中古弼送赫連昌至于京師司空奚斤追赫連定於平涼馬髦嶺爲定所禽將軍邱堆先在安定聞斤敗東走長安帝大怒詔顓令斬之夏四月赫連定遣使朝貢壬子西巡戊午田于河西大赦南秦王

楊元遣使朝貢五月乞伏熾磐死秋八月東幸廣甯臨
觀溫泉以太牢祭黃帝堯舜廟九月車駕還宮冬十一
月乙未朔日有蝕之是月行幸河西大校獵十二月甲
申車駕還宮

二年夏四月宋人來聘庚寅車駕北伐五月丁未次于
沙漠舍輜重輕騎兼冀馬至粟水螟螟震怖焚廬舍遯
跡西走冬十月振旅凱旋于京師告于宗廟列置新人
于漠南東至濡源西暨五原陰山竟三千里十一月西
巡田于河西至祚山而還

三年春正月庚子車駕還宮壬寅大赦癸卯行幸廣甯

通志

卷五上

後魏紀十五上

三

臨溫泉作溫泉歌二月丁卯司徒平陽王長孫翰薨戊
辰車駕還宮三月壬寅進會稽公赫連昌爲秦王夏四
月甲子行幸雲中敕勒萬餘家叛走詔尙書封鐵追滅
之五月戊午論討敕勒功大明賞罰秋七月己亥詔諸
征鎮將軍王公仗節邊遠者聽開府辟召其次增設吏
員庚子詔大鴻臚卿杜超假節都督冀定相三州諸軍
事行征南大將軍太宰進爵爲王鎮鄴爲諸軍節度八
月宋將到彥之自清水入河泝流西行丙寅彥之遣將
度河攻蒲阪冠軍將軍安頡督諸軍擊破之九月癸卯
立密皇太后廟于鄴甲辰行幸統萬遂征平涼是月馮

跋死冬十月乙卯冠軍將軍安頡濟河攻洛陽甲子拔
之辛巳安頡平虎牢十一月乙酉車駕至平涼己亥行
幸安定庚子帝自安定還臨平涼遂掘塹圍守之行幸
紐城安慰初附赦秦隴之人賜復十年辛酉安頡帥諸
軍攻滑臺沮渠蒙遜遣使朝貢壬寅封壽光侯叔孫建
爲丹陽王十二月丁卯赫連定弟杜于度洛孤面縛出
降平涼收其珍寶定長安臨晉武功守將皆遯走關中
平壬申車駕還東畱巴東公延晉等鎮安定

四年春正月壬午車駕次木根山大享羣臣丙申宋將
檀道濟王仲德從清水救滑臺丹陽王叔孫建汝陰公
通志 卷五 上 後魏紀十五 上 三

長孫道生拒之道濟等不敢進是月赫連定滅乞伏慕
末二月辛酉安頡司馬楚之剋滑臺癸酉車駕還宮飲
至策勳告于宗廟賜畱臺百官各有差青土賜復十年
定州人饑詔開倉以振之宋將檀道濟王仲德東走三
月庚戌冠軍將軍安頡獻宋俘萬餘人甲兵三萬夏六
月赫連定北襲沮渠蒙遜爲吐谷渾慕瓚所執閏月乙
未蠕蠕國遣使朝貢詔散騎侍郎周紹使于宋秋七月
己酉行幸河西起承華宮八月乙酉沮渠蒙遜遣子安
周入侍吐谷渾慕瓚遣使奉表請送赫連定己丑以慕
瓚爲大將軍封西秦王九月癸丑車駕還宮庚申加太

尉長孫嵩柱國大將軍以左光祿大夫崔浩爲司徒征
西大將軍長孫道生爲司空癸亥詔兼太常李順持節
拜西河王沮渠蒙遜爲假節加侍中都督涼州持節及
西域羌戎諸軍事行征西大將軍太傅涼州牧涼王壬
申詔曰范陽盧元博陵崔綽趙郡李靈河間邢穎勃海
高允廣平游雅太原張偉等皆賢雋之胄冠冕州邦有
羽儀之用易曰我有好爵吾與爾縻之如元之比隱跡
衡門不曜名譽者盡敕州郡以禮發遣遂徵元等州郡
所遣至者數百人皆差次敘用冬十月戊寅詔司徒崔
浩改定律令行幸漠南十一月丙辰北部敕勒莫弗庫
若于率其部數萬騎驅鹿獸數百萬詣行在所帝因而
大狩以賜從者勒石漠南以紀功德宣城王奚斤坐事
降爵爲公十二月車駕還宮

通志

卷五

後魏紀十五上

五

延和元年春正月丙午尊保太后爲皇太后立皇后赫
連氏以皇子晃爲皇太子謁于太廟大赦改元三月丁
未追贈夫人賀氏爲皇后壬申西秦王吐谷渾慕瓚送
赫連定於京師夏五月宋人來聘六月庚寅車駕伐和
龍詔尙書左僕射安原等屯于漠南以備蠕蠕辛卯詔
兼散騎常侍鄧穎使於宋秋七月己巳車駕至和龍穿
壘以守之是月築東宮九月乙卯車駕西還徙營邱成

周遼東樂浪帶方元菟六郡人三萬家于幽州開倉以振之冬十月吐谷渾慕瓚遣使朝貢十一月己巳車駕至自和龍十二月己丑馮弘子長樂公崇及其母弟朗弟邈以遼西內屬先是辟召賢良而州郡多逼遣之詔以禮申喻任其進退

二年春二月庚午詔兼鴻臚卿李繼持節假馮崇車騎大將軍遼西王承制聽置尙書己下壬午詔兼散騎常侍宋宣使於宋夏四月沮渠蒙遜死以其子牧犍爲車騎將軍改封西河王六月遣永昌王健尙書左僕射安原督諸軍討和龍辛巳詔樂安王範發秦雍兵一萬築

通志

卷五十一

後魏紀十五上

元

小城於長安城內秋八月遼西王馮崇上表求說降其父帝不聽九月宋人來聘并獻馴象一戊午詔兼大鴻臚卿崔頤持節拜征虜將軍楊難當爲征南大將軍儀同三司封南秦王冬十二月己巳大赦天下辛未幸雲山北詔兼散騎常侍盧元使於宋

三年春正月乙未車駕次于女水大享羣臣戊戌馮弘遣使求和帝不許丙辰南秦王楊難當剋漢中送雍州流人七千家于長安二月戊寅詔以頻年屢征有事西北運輸之役百姓勤勞令郡縣括貧富以爲三級富者租賦如常中者復二年下窮者復三年辛卯車駕還宮

三月甲寅行幸河西閏月甲戌秦王赫連昌叛走丙子
河西侯將格殺之驗其謀反羣弟皆伏誅己卯車駕還
宮進彭城公栗爵爲王秋七月辛巳東宮成備置屯衛
三分西宮之一壬午行幸美稷遂至隰城命諸軍討山
胡白龍于河西九月戊子剋之斬白龍及其將帥屠其
城冬十一月車駕還宮十二月甲辰行幸雲中

太延元年春正月乙未朔日有蝕之壬午降死罪刑已
下各一等癸未出道武明元宮人令得嫁甲申大赦改
元二月庚子螟螣焉耆車師各遣使朝貢詔長安及平
涼人徙在京師其孤老不能自存者聽還鄉里丁未車

通志

卷五 上

後魏紀十五上

五

駕還宮夏五月庚申進宜都公穆壽爲宜都王汝陰公
長孫道生爲上黨王宜城公奚斤爲恆農王廣陵公婁
伏連爲廣陵王遣使者二十輩使西域甲戌行幸雲中
六月甲午詔曰去春小旱東作不茂憂勤剋己祈請靈
祇豈朕精誠有感何報應之速雲雨震灑流澤霑渥有
鄙婦人持方寸玉印詣潞縣侯孫家旣而亡去莫知所
在印有三字爲龍鳥之形要妙奇巧不涉人迹文曰旱
疫平推尋其理蓋神靈之報應也比者以來禎瑞仍臻
甘露流液降於殿內嘉瓜合蒂生于中山野木連理殖
於魏郡在先后載誕之鄉白燕集于盛樂舊都元鳥隨

之蓋有千數嘉禾頻歲合秀於恆農白兔竝見於勃海
白雉三隻又集於平陽太祖之廟天降嘉貺將何德以
酬之其令天下大酺五日禮報百神守宰祭界內名山
大川上答天意丙午高麗鄴善國竝遣使朝貢秋七月
田於柵陽巳卯樂平王丕等五將東伐至和龍徙男女
六千口而還八月丙戌行幸河西粟特國遣使朝貢九
月車駕還宮冬十月癸卯尙書左僕射安原謀反伏誅
甲辰行幸定州次于新城宮十一月巳巳校獵于廣川
丙子行幸鄴祀密太后廟諸所過親問高年褒禮賢後
十二月癸卯遣使者以太牢祀北嶽

通志

卷五

上

後魏紀十五上

四

二年春正月甲寅車駕還宮二月戊子馮弘遣使朝貢
來送侍子帝不許壬辰遣使者十餘輩詣高麗東夷諸
國詔諭之三月丙辰宋人來聘辛未遣平東將軍娥清
安西將軍古弼討馮弘弘求救於高麗高麗遣其大將
葛蔓盧迎之夏四月甲寅皇子小兒苗兒竝薨五月乙
卯馮弘奔高麗戊午詔散騎常侍封撥使高麗徵送馮
弘丁卯行幸河西赫連定之西也楊難當竊據上邽秋
七月庚戌命樂平王丕等討之詔散騎常侍游雅使於
宋八月丁亥遣使六輩使西域帝校獵于河西詔廣平
公張黎發定州七郡一萬二千人通莎泉道甲辰高車

國遣使朝貢九月庚戌樂平王丕等至略陽公楊難當奉詔攝上邽守高麗不送馮弘帝將伐之納樂平王丕計而止冬十一月巳酉幸柵陽驅野馬於雲中置野馬苑閏月壬子車駕還宮乙丑改封潁川王提爲武昌王河西王沮渠牧犍遣使朝貢是歲吐谷渾慕瓚死

三年春正月癸未中山王纂薨戊子太尉北平王長孫嵩薨乙巳丹陽王叔孫建薨二月乙卯行幸幽州存恤孤母問民疾苦還幸上谷遂至代所過復田租之半三月巳卯車駕還宮丁酉宋人來聘夏五月巳丑詔天下

吏民得舉告守令不如法者丙申行幸雲中秋七月戊

通志

卷五 上

後魏紀十五 上

聖

子使永昌王健上黨王長孫道生討山胡白龍餘黨於西河滅之八月甲辰行幸河西九月甲申車駕還宮丁丑遣使者拜西秦王慕瓚弟慕利延爲鎮西大將軍儀同三司改封西平王冬十月癸卯行幸雲中十一月壬申車駕還宮是歲河西王沮渠牧犍世子封壇來朝高麗契丹龜茲悅般焉耆車師粟特疏勒烏孫渴盤陀鄯善破落者舌等國各遣使朝貢

四年春三月庚辰鄯善王弟素延耆來朝癸未罷沙門年五十巳下江陽王根薨是月高麗殺馮弘夏五月戊寅大赦秋七月壬申車駕北伐冬十一月丁卯朔日有

蝕之十二月車駕至自北伐上洛巴泉葷等相帥內附
詔兼散騎常侍高雅使于宋

五年春正月庚寅行走定州三月辛未車駕還宮庚寅
以故南秦王世子楊保宗爲征南大將軍秦州牧武都
王鎮上邽夏五月癸未遮逸國獻汗血馬六月甲辰車
駕西討沮渠牧犍侍中宜都王穆壽輔皇太子決留臺
事大將軍長樂王嵇敬輔國大將軍建寧王崇二萬人
屯漠南以備蠕蠕秋七月己巳車駕至上都屬國城大
享羣臣講武馬射壬午留輜重分部諸軍八月丙申車
駕至姑臧牧犍兄子祖逾城來降乃分軍圍之九月丙

通志

卷五上

後魏紀十五上

聖

戌牧犍與左右文武五千人面縛軍門帝解其縛待以
藩臣之禮收其城內戶口二十餘萬倉庫珍寶不可稱
計進張掖公禿髮保周爵爲王與龍驤將軍穆羆安遠
將軍源賀分略諸郡牧犍弟張掖太守宜得西奔酒泉
太守無諱後奔晉昌樂都太守安周南奔吐谷渾戊子
蠕蠕犯塞遂至七介山京都大駭皇太子命上黨王長
孫道生等拒之冬十月辛酉車駕還宮徙涼州人三萬
餘家于京師留樂平王丕征西將軍賀多羅鎮涼州癸
亥遣張掖王禿髮保周喻諸部鮮卑保周因率諸部叛
於張掖十一月乙巳宋人來聘并獻馴象一十二月壬

午車駕至自西伐飲至策勳告于宗廟楊難當寇上邽鎮將元勿頭討走之是歲鄯善龜茲疏勒焉耆高麗粟特渴盤陀邠悉半居等國竝遣使朝貢

太平眞君元年春正月己酉沮渠無諱圍酒泉辛亥分遣侍臣巡行州郡觀察風俗問民疾苦三月己巳詔假通直常侍邢穎使於宋發長安人五千浚昆明池三月酒泉陷夏四月戊午朔日有蝕之庚辰沮渠無諱寇張掖禿髮保周屯邠舟六月丁丑皇孫濬生大赦改元秋七月行幸陰山己丑永昌王健大破禿髮保周走之丙申保太后竇氏崩于行宮癸丑保周自殺傳首京師八

通志

卷五上

後魏紀十五上

四

月甲申沮渠無諱降九月壬寅車駕還宮是歲州鎮十五饑詔開倉振恤之以河南王曜子羯兒爲河閒王後改封略陽王

二年春正月癸卯拜沮渠無諱爲征西大將軍涼州牧酒泉王三月辛卯葬惠太后於崑山庚戌新興王俊略陽王羯兒有罪黜爲公辛亥封蠕蠕郁久閭乞歸爲朔方王沮渠萬年爲張掖王夏四月丁巳宋人來聘秋八月辛亥詔散騎侍郎張偉使于宋九月戊戌永昌王健薨冬十一月庚子鎮南大將軍奚眷平酒泉十二月丙

子宋人來聘

三年春正月甲申帝至道壇親受符籙備法駕旗幟盡
青三月壬寅北平王長孫頹有罪削爵爲侯夏四月酒
泉王沮渠無諱走渡流沙據鄯善西涼李暠孫李寶據
敦煌遣使內附五月行幸陰山北六月內戍楊難當朝
於行宮先是起殿於陰山北殿成而難當至因曰廣德
焉秋八月甲戌晦日有蝕之冬十月己卯封皇子伏羅
爲晉王翰爲秦王譚爲燕王建爲楚王余爲吳王十二
月辛巳太保襄城公盧魯元薨丁酉車駕還宮李寶遣
使朝貢以寶爲鎮西大將軍開府儀同三司沙州牧敦
煌公

通志

卷五上

後魏紀十五上

四

四年春正月庚午行幸中山二月丙子次于恆山之陽
詔有司刊石勒銘是月剋仇池三月庚申車駕還宮夏
四月武都王楊保宗謀反諸將禽送京師氏羌復推保
宗弟文德爲主圍仇池六月庚寅詔復民貲賦三年其
田租歲輸如常牧守不得妄有徵發癸巳大閱于西郊
九月辛丑行幸漠南甲辰捨輜重以輕騎襲頓輦分軍
爲四道冬十一月甲子車駕還至朔方詔曰夫陰陽有
往復四時有代謝授子任賢蓋古今不易之令典也其
令皇太子副理萬機總統百揆諸功臣勤勞日久皆當
以爵歸第隨時朝請享宴朕前論道陳謀而已不宜復

煩以劇職更舉賢俊以備百官明爲科制以稱朕心十
二月辛卯車駕至自北伐

五年春正月壬寅皇太子始總百揆侍中中書監宜都
王穆壽司徒東都公崔浩侍中廣平公張黎侍中建興
公古弼輔太子以決庶政諸上書者皆稱臣上疏儀與
表同戊申詔自王公已下至於庶人私養沙門師巫及
金銀工巧之人在其家者皆遣詣官曹限今年二月二
十五日過期不出巫沙門身死主人門誅庚戌詔自王
公已下至於卿士其子息皆詣太學其百工技巧騶卒

子息當習其父兄所業不聽私立學校違者師身死主

通志

卷五十一

後魏紀十五上

聖

人門誅二月辛未中山王辰等八人以北伐後期斬于
都南癸酉樂平王丕薨庚辰行幸廬三月戊辰大會于
鄆南遣使者四輩使西域甲辰車駕還宮夏四月乙亥
太宰陽平王杜超爲帳下所殺五月丁酉行幸陰山北
六月西平王吐谷渾慕利延殺其兄子緯代立緯弟叱
力延等來奔乞師以叱力延爲歸義王秋八月乙丑田
于河西壬午詔員外散騎常侍高濟使於宋九月帝自
河西至于馬邑觀于崞川乙亥車駕還宮丁未行幸漠
南冬十月癸未晉王伏羅大破慕利延慕利延走奔白
蘭其部一萬三千內附十一月宋人來聘十二月丙戌

車駕還宮

六年春正月辛亥行幸定州引見長老存問之詔兼員外散騎常侍宋愔使于宋二月遂西幸上黨觀連理樹於元氏至吐京討徙叛胡出配郡縣三月庚申車駕還宮詔諸有疑獄皆付中書以經義量決夏六月戊子朔日有蝕之壬辰北巡秋八月壬辰散騎常侍周公萬度歸以輕騎至鄯善執其王真達與詣京師帝大悅厚待之車駕幸陰山北次于廣德宮詔發天下兵三取一各當戒嚴以須後命徙諸種雜人五千餘家於北邊令人北徙畜牧至廣漠以餌蝮蝮壬寅征西大將軍高涼

通志

卷五

上

後魏紀十五上

吳

王邡等討吐谷渾慕利延軍到曼頭城慕利延驅其部落西度流沙邡急追故西秦王慕瓚世子被囊逆軍拒戰邡擊破之中山公杜豐追度三危至雪山禽被囊及慕利延元子什歸熾盤子成龍送于京師慕利延遂西入于闐國九月盧水胡蓋吳聚衆反於杏城冬十一月高涼王邡振旅還京師庚申遼東王竇漏頭薨河東蜀薛永宗聚黨入汾曲西通蓋吳受其位號蓋吳自號天台王署百官辛未車駕還宮選六州兵勇猛者使永昌王仁高涼王邡分領爲二道南略淮泗以北徙青徐之人以實河北癸未西巡

七年春正月戊辰車駕次東雍禽薛永宗斬之其男女無少長皆赴水死辛未南幸汾陰蓋吳退走北地二月丙戌幸長安存問父老丁亥幸昆明池遂田于岐山之陽所過誅與蓋吳通謀反害守將者三月詔諸州阬沙門毀諸佛像徙長安城內工巧三千家於京師夏四月甲申車駕至自長安戊子毀鄴城五層佛圖於泥像中得玉璽二其文皆曰受命於天既壽永昌其一刻其旁曰魏所受漢傳國璽五月蓋吳復聚杏城自號秦地王丙戌發司幽定冀四州十萬人築畿上塞圍起上谷西至于河廣袤皆千里六月癸未朔日有蝕之秋八月蓋

通志

卷五

上

後魏紀十五上

七

吳爲其下人所殺傳首京師復略陽公羯兒王爵

八年春正月癸未行幸中山三月河西王沮渠牧犍謀反伏誅夏五月車駕還宮六月西征諸將扶風公處眞等八將坐盜沒軍資所在虜掠贓各千萬計並斬之秋八月樂安王範薨冬十一月侍中中書監宜都王穆壽薨十二月晉王伏羅薨

九年春正月宋人來聘二月癸卯行幸定州山東人饑詔開倉振之罷塞圍作遂西幸上黨詔於壺關東北大王山累石爲三封又壅其鳳皇山南足以斷之三月車駕還宮夏五月甲戌以交阯公韓拔爲假征西將軍領

護西戎校尉鄯善王鎮鄯善賦役其人比之郡縣六月
辛酉行幸廣德宮丁卯悅般國遣使求與王師俱討螟
螟帝許之秋八月詔中外諸軍戒嚴九月乙酉練兵于
西郊丙戌幸陰山是月成周公萬度歸千里驛上大破
焉耆國其王鳩尸卑那奔龜茲冬十月辛丑恆農王奚
斤薨癸卯以婚姻奢靡喪葬過度詔有司更爲科限癸
亥大赦十二月詔成周公萬度歸自焉耆西討龜茲皇
太子朝于行宮遂從北討至受降城不見螟螟因積糧
城內畱守而還北平王長孫敦坐事降爵爲公

通志

卷五十一

後魏紀十五上

四

十年春正月戊辰朔帝在漠南大享百寮甲戌螟螟吐
賀真懼遠遯三月蒐于河西庚寅車駕還宮夏四月丙
申朔日有蝕之九月閱武於磧上遂北伐冬十月庚子
皇太子及羣官奉迎於行宮十二月戊申車駕至自北
伐己酉以平昌公託眞爲中山王

十一年春正月乙丑行幸洛陽所過郡國皆親對高年
存恤孤寡二月甲午大蒐於梁川皇子眞薨是月大修
宮室皇太子居于北宮車駕遂征懸瓠夏四月癸卯車
駕還宮賜從者及畱臺郎吏已上生口各有差六月己
亥誅司徒崔浩辛丑北巡陰山秋七月宋將王元謨攻
滑臺八月辛亥田于河西癸未練兵於西郊九月辛卯

車駕南伐癸巳皇太子北伐屯于漠南吳王余畱守京
都庚子曲赦定冀相三州死罪已下冬十月乙丑車駕
濟河元謨棄軍而走乃命諸將分道竝進車駕自中道
十一月辛卯至鄒山使使者以太牢祀孔子是月頰盾
國獻師子一十二月丁卯車駕至淮詔刈菹葦作筏數
萬而濟淮南皆降癸未車駕臨江起行宮於瓜步山諸
軍同日皆臨江所過城邑莫不望塵奔潰其降附者不
可勝數甲申宋文帝使獻百牢貢其方物又請進女於
皇孫以求和好帝以師婚非禮許和而不許婚使散騎
侍郎夏侯野報之帝詔皇孫爲書致馬通問焉

通志

卷五十一

後魏紀十五上

四

正平元年春正月丙戌朔大會羣臣於江上文武受爵
者二百餘人丁亥車駕北旋二月癸未次于魯口皇太
子朝於行宮三月己亥車駕至自南伐飲至策勳告於
宗廟以降人五萬餘家分置近畿賜畱臺文武所獲軍
資生口各有差夏五月壬寅大赦六月壬戌改元車師
國王遣子入侍詔以刑網太密犯者更衆命有司具案
律令務求厥中自餘有不便於民者依比增損詔太子
少傅游雅中書侍郎胡方回等改定律制略陽王羯兒
高涼王邠有罪賜死戊辰皇太子薨壬申葬景穆太子
於金陵秋七月丁亥行幸陰山省諸曹吏員三分之一

九月癸巳車駕還宮冬十月庚申行幸陰山宋人來聘
詔殿中將軍郎法祐使於宋己巳司空上黨王長孫道
生薨十二月丁丑車駕還宮封皇孫濬爲高陽王尋以
皇孫世嫡不宜在藩乃止改封秦王翰爲東平王燕王
譚爲臨淮王楚王建爲廣陽王吳王余爲南安王

二年春正月庚辰朔南來降人五千餘家於中山謀叛
州軍討平之冀州刺史張掖王沮渠萬年與降人通謀
賜死三月甲寅中常侍宗愛構逆帝崩於永安宮時年
四十五祕不發喪愛又矯皇后令殺東平王翰迎南安

王余立大赦改元爲承平尊諡帝曰太武皇帝葬於雲

通志

卷五

上

後魏紀十五上

辛

中金陵廟號世祖帝生不逮密太后及有所識言則悲
慟哀感傍人明元聞而嘉歎及明元不豫衣不釋帶性
清儉率素服御飲膳取給而已不好珍麗食不二味所
幸昭儀衣無兼綵羣臣白帝更峻京邑城隍以從周易
設險之義又陳蕭何壯麗之說帝曰古人有言在德不
在險屈丐蒸土築城而朕滅之豈在城也今天下未平
方須人力土功之事朕所未爲蕭何之對非雅言也每
以財者軍國之本無所輕費至於賞賜皆是勳績之家
親戚愛寵未曾橫有所及臨敵常與士卒同在矢石間
左右死傷相繼而帝神色自若是以人思效命所向無

前命將出師指授節度從命者無不制勝違爽者率多
敗失性又知人拔士於卒伍之中唯其才效所長不論
本末兼甚嚴斷明於刑賞功者賞不遺賤罪者刑不避
親雖寵愛之終不虧法常曰法者朕與天下共之何敢
輕也故大臣犯法無所寬假雅長聽察瞬息之間下無
以措其姦隱然果於誅戮後多悔之司徒崔浩死後帝
北伐時宣城公李孝伯疾篤傳者以爲卒帝聞而悼之
謂左右曰李宣城可惜又曰朕向失言崔司徒可惜李
宣城可哀褒貶雅意皆此類也

太武帝始光神䴥各四年延和三年太延五年太

通志

卷五

上

後魏紀十五上

五

平直君十一年正平二年卽位二十九年

臣謹按景穆太子未嘗卽位後追諡爲皇帝旣無年
號不當立紀太子諱晃太武之長子也母曰賀夫人
延和元年正月丙午立爲皇太子時年五歲明慧彊
識聞則不忘及長好讀經史皆通大義太武甚奇之
及西征涼州皇太子監國初太武之伐河西李順等
咸言姑臧無水草不可行師太子有疑色及車駕至
姑臧乃詔太子曰姑臧城東西門外涌泉合於城北
其大如河澤草茂盛可供大軍數年人之多言亦可
惡也太子謂宮臣曰爲人臣不實若此豈爲忠乎吾

初聞有疑但帝決行耳幾誤人大事言者復何面目見帝也太平眞君四年從征嶮嶮至鹿渾谷與賊遇虜惶怖擾亂太子言於太武曰宜速進擊掩其不備中書令劉潔固諫以爲塵盛賊多須軍大集太子曰此塵之盛當由賊驚故也太武疑之遂不急擊嶮嶮遠遯旣而獲虜候騎乃云不覺官軍卒至上下惶懼北走經六七日知無追者乃徐行帝深恨之自是太子所言軍國大事多見納用遂知萬機及監國命有司使百姓有牛家以人牛相質又禁飲酒雜戲棄本酤販者於是墾田大增正平元年六月戊辰薨於東

通志

卷五上

後魏紀十五上

五

宮時年二十四庚午命持節兼太尉張黎兼司空竇瑾奉策卽柩諡曰景穆太子文成卽位追尊爲景穆皇帝廟號恭宗

高宗文成皇帝諱濬景穆皇帝之長子也母曰閭氏太平眞君元年六月生於東宮帝少聰達太武常置左右號世嫡皇孫年五歲太武北巡帝從在後逢虜帥桎一奴將加罰帝謂曰奴今遭我汝宜釋之帥奉命解縛太武聞之曰此兒雖小欲以天子自處意奇之及長風格異常每參決大政可否正平二年三月中常侍宗愛弒逆立南安王余十月丙午朔又賊殺余於是殿中尙書

長孫渴侯與尚書陸麗奉迎世嫡皇孫

興安元年冬十月戊申皇帝卽位於永安前殿大赦改
正平二年爲興安元年以驃騎大將軍元壽樂爲太宰
都督中外諸軍錄尚書事以尚書長孫渴侯爲尚書令
儀同三司十一月丙子二人爭權竝賜死癸未廣陽王
建臨淮王譚薨甲申皇妣閭氏薨進平南將軍宋子侯
周忸爵爲樂陵王南部尚書常安子陸麗爲平原王文
武各加位一等壬寅追尊皇考景穆太子爲景穆皇帝
妣閭氏爲恭皇后尊保母常氏爲保太后十二月戊申
祔葬恭皇后於金陵乙卯初復佛法丁巳以樂陵王周
通志

卷五上

後魏紀十五上

五

忸爲太尉平原王陸麗爲司徒鎮西將軍杜元寶爲司
空保達沙獵等國各遣使朝貢戊寅進建業公陸侯爵
爲東平王進廣平公杜遺爵爲王癸亥詔以營州蝗開
倉振恤甲子太尉樂陵王周忸有罪賜死進濮陽公閭
若文爵爲王

二年春正月辛巳進司空杜元寶爵爲京兆王廣平王
杜遺薨進尚書僕射東安公劉尼爵爲王封建寧王崇
子麗爲濟南王癸未詔與百姓雜調十五丙戌進尚書
西平公源賀爵爲王二月己未司空京兆王杜元寶謀
反伏誅建寧王崇崇子濟南王麗爲元寶所引各賜死

乙丑發京師五千人穿天泉池是月宋太子劭弑文帝
三月尊保太后爲皇太后進安豐公閻虎皮爵爲河間
王夏五月宋孝武帝殺太子劭而自立閏月乙亥太皇
太后赫連氏崩秋七月辛亥行幸陰山濮陽王閻若文
永昌王仁謀反乙卯仁賜死若文伏誅己巳車駕還宮
是月築馬射臺於南郊八月戊戌詔曰朕卽位已來風
雨順序邊方無事衆瑞兼呈又於苑內獲方寸玉印其
文曰子孫長壽羣公卿士咸曰休哉豈朕一人克臻斯
應實由天地祖宗降祐之所致也思與兆庶共茲嘉慶
其令百姓大酺三日降殊死已下囚九月壬子閱武於
南郊冬十一月辛酉行幸信都中山觀察風俗十二月
甲午車駕還宮復北平公長孫敦王爵是歲疏勒渴盤
陀庫莫奚契丹屬賓等國名遣使朝貢

通志

卷五 上

後魏紀十五上

五

興光元年春正月乙丑以侍中河南公伊弼爲司空二
月甲午帝至道壇登受圖錄禮畢曲赦京師夏六月行
幸陰山秋七月丙申朔日有蝕之庚子皇子弘生辛丑
大赦改元八月甲戌趙王深薨乙亥車駕還宮乙丑皇
叔虎頭龍頭薨九月庫莫奚國獻名馬有一角狀如麟
閉都門大索三日獲姦人亡命數百人冬十一月戊戌
行幸中山遂幸信都十二月丙子還幸靈邱至溫泉宮

庚辰車駕還宮出于叱萬單等國各遣使朝貢

太安元年春正月辛酉奉太武景穆神主于太廟樂平王拔有罪賜死二月癸未武昌王提薨三月己亥以太武景穆神主人太廟改元曲赦京師死囚已下夏六月壬戌詔名皇子弘曲赦癸酉詔尙書穆眞等二十人巡行州郡觀察風俗大明賞罰冬十月庚午以遼西公常英爲太宰進爵爲王是歲遮逸波斯疏勒等國各遣使朝貢

二年春正月乙卯立皇后馮氏二月丁巳立皇子弘爲

皇太子大赦夏六月羽林中郎于判元提等謀逆誅秋

通志

卷五

上

後魏紀十五上

五

八月田於河西平西將軍漁陽公尉眷北擊伊吾剋其城大獲而還九月辛巳進河東公閭皝零陵公閭紇爵竝爲王冬十月甲申車駕還宮甲午曲赦京師十一月改封西平王源賀隴西王嘸嗟普嵐等國各遣使朝貢三年春正月徵漁陽公尉眷拜太尉進爵爲王錄尙書事夏五月封皇弟新成爲陽平王六月癸卯行幸陰山秋八月田於陰山之北己亥還宮冬十月將東巡詔太宰常英起行宮於遼西黃山十二月州鎮五蝗百姓饑使開倉振給之是歲粟特于闐等五十餘國竝遣使朝

貢

四年春正月丙午朔初設酒禁乙卯行幸廣甯溫泉宮
遂東巡庚午至遼西黃山宮遊宴數日親對高年勞問
疾苦二月丙子登碣石山觀滄海大享羣臣於山上班
賞進爵各有差改碣石山爲樂遊山築壇記行於海濱
戊寅南幸信都田於廣川三月丁未觀馬射於中山所
過郡國賜復一年丙辰車駕還宮起太華殿乙丑東平
王陸俟薨夏五月壬戌詔曰比年以來雜調減省而所
在州郡咸有逋懸非在職之官緩情失所貪穢過度誰
使之然自今常調不充人不安業宰民之徒加以死罪

六月丙申田於松山秋七月庚午行幸河西九月丁巳

通志

卷五上

後魏紀十五上

五

還宮辛亥太華殿成丙寅享羣臣大赦冬十月甲戌北
巡至陰山有故冢毀廢詔曰昔姬文葬枯骨天下歸仁
自今有穿墳壟者斬之辛卯次于車輪山累石紀行十
一月車駕度漠嶰嶰絕迹遠遯十二月中山王託眞薨
五年春二月己酉司空河南公伊穉薨三月庚寅曲赦
京師死罪已下夏四月乙巳封皇弟子推爲京兆王五
月常居國遣使朝貢六月戊申行幸陰山秋八月庚戌
遂幸雲中壬戌還宮九月戊辰儀同三司敦燉公李寶
薨冬十二月戊申詔以六鎮雲中高平二雍秦州徧遇
災旱年穀不收開倉廩振乏有徙流者喻還桑梓

和平元年春正月甲子朔大赦改元庚午詔散騎侍郎馮闡使於宋夏四月戊戌皇太后常氏崩於壽安宮五月癸酉葬昭太后於廣甯鳴雞山六月甲午詔征西大將軍陽平王新成等討吐谷渾什寅崔浩之誅也史官遂廢至是復置秋七月西征諸軍至西平什寅走保南山九月庚申朔日有蝕之是月諸軍濟河追什寅遇瘴氣多病疫乃引還庚午車駕還宮冬十月居常王獻馴象三十一年十一月詔散騎侍郎盧度世使於宋

通志

卷五 上

後魏紀十五 上

五

二年春正月乙酉詔曰刺史牧民爲萬里之表自頃每因發調逼人假貸大商富賈要射時利上下通同分以潤屋爲政之弊莫過於此其一切禁絕犯者十疋以上皆死布告天下咸令知禁二月行幸中山遂幸信都三月宋人來聘車駕所過皆親對高年問疾苦詔年八十一子不從役靈邱南有山高四百餘丈乃詔羣臣仰射山峯無能逾者帝彎弧發矢出三十餘丈過山南二百二十步遂刊石勒銘是月發并肆州五千餘人修河西獵道辛巳車駕還宮夏四月乙未河東王閭毗薨五月癸未詔南部尙書黃盧頭李敷業考課諸州秋七月戊寅封皇弟小新成爲濟陰王天賜爲汝陰王萬壽爲樂良王洛侯爲廣平王八月波斯國遣使朝貢冬十月詔

假員外散騎常侍游明根使于宋廣平王洛侯薨

三年春正月壬午以東郡公乙渾爲太原王癸未樂良
王萬壽薨二月壬子朔日有蝕之癸酉田於崑山遂觀
漁于旋馬池三月甲申宋人來聘高麗王契齧思獸
於師疏勒石那悉居半渴盤陀等國竝遣使朝貢夏六
月庚申行幸陰山秋七月壬寅幸河西九月壬辰常山
王素薨冬十月詔員外散騎常侍游明根使于宋十一
月壬寅車駕還宮十二月乙卯制戰陣之法十有餘條
因大儺耀兵有飛龍騰蛇魚麗之變以示威武戊午零
陵王閭拔薨

通志

卷五十一

後魏紀十五上

五

四年春三月乙未賜京師人年七十以上太官廚食以
終其年皇子胡仁薨追封樂陵王夏四月癸亥上幸西
苑親射猛虎三頭五月壬辰侍中漁陽王尉眷薨壬寅
行幸陰山秋七月壬午詔曰朕每歲閑月命羣臣講武
所幸之處必立宮壇靡費之功勞損非一宜仍舊貫何
必改作也八月丙寅遂田于河西九月辛巳車駕還宮
冬十月以定相二州霽霜傷稼免其田租詔員外散騎
常侍游明根使於宋十二月辛丑詔以喪葬嫁娶大禮
未備命有司爲之條格使貴賤有章上下咸序著之于
令壬寅詔曰婚姻者人道之始比者以來貴族之門多

不率法或貪利財賂或因緣私好在於苟合無所擇選
塵穢清化虧損人倫將何以宣示典謨垂之來裔令制
皇族肺腑王公侯伯及士庶之家不得與百工技巧卑
姓爲婚犯者加罪

五年春正月丁亥封皇弟雲爲任城王二月詔以州鎮
十四去歲蟲水開倉振恤夏四月癸卯進封頓邱公李
峻爲王閏月戊子帝以旱故減膳責身是夜澍雨大降
五月宋孝武帝徂六月丁亥行幸陰山秋七月壬寅行
幸河西九月辛丑車駕還宮冬十月琅邪侯司馬楚之
薨十二月南秦王楊難當薨吐呼羅國遣使朝貢

通志

卷五 上

後魏紀十五 上

五

六年春正月丙申大赦二月丁丑行幸樓煩宮高麗蕞
王對曼等國各遣使朝貢三月戊戌相州刺史西平郡
王吐谷渾權薨乙巳車駕還宮夏四月破洛鄆國獻汗
血馬普嵐國獻寶劍五月癸卯帝崩于太華殿時年二
十六六月丙寅奉尊諡曰文成皇帝廟號高宗八月葬
雲中之金陵

文成帝興安二年興光元年太安五年和平六年

卽位十四年

顯祖獻文皇帝諱弘文成皇帝之長子也母曰李貴人
興光元年七月生於陰山之北大安二年二月立爲皇

太子和平六年五月甲辰卽皇帝位大赦尊皇后曰皇
太后車騎大將軍乙渾矯詔殺尙書楊保年平陽公賈
愛仁南陽公張天度于禁中戊申司徒公平原王陸麗
自湯泉入朝又殺之己酉以渾爲太尉公以錄尙書事
東安王劉尼爲司徒公以尙書左僕射和其奴爲司空
公六月封繁陽侯李嶷爲丹陽王征東大將軍馮熙爲
昌黎王秋七月癸己以太尉乙渾爲丞相位居諸王上
事無大小皆決焉九月庚子曲赦京師丙午詔曰先朝
以州牧親民宜置良佐故賴有司班九條之制使前政
選吏以待後人然牧司舉非其人愆于典度今制刺史
守宰到官之日仰自舉人望忠信以爲選官不論前政
共相平置若簡任失所以罔上論是月宋義陽王劉昶
自彭城來奔冬十月徵陽平王新成京兆王子推濟陰
王小新成汝陰王天賜任城王雲入朝十一月宋湘東
王彧弑其主子業而自立

天安元年春正月己丑朔大赦改元二月庚申丞相太
原王乙渾謀反伏誅乙亥以待中元孔雀爲濮陽王侍
中陸定國爲東郡王三月庚子以隴西王源賀爲太尉
公辛丑高宗文成皇帝神主祔于太廟辛亥帝幸道壇
親受符籙曲赦京師秋九月己酉初立鄉學郡置博士

通志

卷五十一

後魏紀十五上

卒

二人助教二人學生六十人冬十二月皇弟安平王薨
是茂州鎮十一旱民饑開倉振恤

皇興元年春正月癸巳鎮南大將軍尉元大破宋將張
永沈收之於呂梁東宋人來聘庚子東平王道符謀反
於長安其司馬段太陽斬之傳首京師道符兄弟皆伏
誅閏月以頓邱王李峻爲太宰二月濟陰王小新成薨
宋東平太守申纂戍無鹽過絕王使詔征南大將軍慕
容白曜督諸軍往討三月甲寅剋之秋八月丁酉幸武
州山石窟寺戊申皇子宏生大赦改元九月己巳進馮
翊公李白爲梁郡王冬十月己亥朔日有蝕之癸卯田
於鄆男池濮陽王孔雀坐怠慢降爲公

通志

卷五十一

後魏紀十五上

空

二年春二月癸未田于西山親射虎豹三月慕容白曜
進圍東陽戊午宋人來聘夏四月丙子朔日有蝕之辛
丑進南郡公李惠爵爲王五月乙卯田于崑山遂幸繁
時辛酉車駕還宮六月庚辰以河南闢地曲赦京師殊
死以下以昌黎王馮熙爲太傅秋九月辛亥封皇叔禎
爲南安王長壽爲城陽王太洛爲章武王休爲安定王
冬十月癸酉朔日有蝕之辛丑田于冷泉十一月州鎮
二十七水旱詔開倉振卹十二月甲午詔曰頃張永敢
拒王威暴骨原隰天下之人一也其永軍殘廢之士聽

還江南露骸草莽者敕州縣收瘞之

三年春正月乙丑東陽潰虜沈文秀戊辰司空平昌公和其奴薨三月己卯進上黨公慕容白曜爵爲濟南王夏四月壬辰宋人來聘丙申名皇子宏大赦丁酉田于崑山五月徙青齊人於京師六月辛未立皇子宏爲皇太子冬十月丁卯朔日有蝕之是月太宰頓邱王李峻薨十一月進襄城公韓頽爵爲王

四年春正月州鎮大饑詔開倉振卹二月以東郡王陸定國爲司空公詔征西大將軍上黨王長孫觀討吐谷渾什寅廣陽王石侯薨三月丙戌詔天下人病者所在

通志

卷五上

後魏紀十五上

三

官司遣醫就家診視所須藥任醫所量給之夏四月辛丑大赦戊申長孫觀軍至曼頭山大破什寅五月封皇弟長樂爲建昌王六月宋人來聘秋八月蠕蠕犯塞九月丙寅車駕北伐諸將俱會于女水大破虜軍司徒東安公劉尼坐事免壬申車駕至自北伐飲至策勳告于宗廟冬十月誅濟南王慕容白曜高平公李敷十一月詔弛山澤禁十二月甲辰幸鹿野苑石窟寺陽平王新成薨

五年春二月乙亥詔假員外散騎常侍邢祐使于宋夏四月北平王長孫敦薨六月丁未行幸河西秋七月丙

寅遂至陰山八月丁亥車駕還宮帝幼而神武聰獻機
悟有濟人之規仁孝純至禮敬師友及卽位雅薄時務
常有遺世之心欲禪位於叔父京兆王子推羣臣固請
帝乃止丙午使太保建安王陸馥太尉源賀持節奉皇
帝璽綬冊命皇太子升帝位於是羣公奏上尊號太上
皇帝乃從之己酉太上皇帝徙御崇光宮彩椽不斲土
階而已國之大事咸以聞承明元年文明太后有憾於
帝帝崩於永安殿時年二十三上尊諡曰獻文皇帝廟
號顯祖葬雲中金陵

獻文帝天安元年皇興五年卽位六年

通志

卷五

上

後魏紀十五上

三



